



ALUMNI JOURNAL

SUCCEED WITH QUALITY

Prill 2017

Alumni, vlerë e përhershme e UBT-së

16 YEARS

Në këtë numër:

Janusz Bugajski: SHBA nuk ka ndërruar qasje ndaj Kosovës.....	4
Ekspertët e NATO-s sqarojnë anëtarësimin e shteteve në këtë organizatë politike e ushtarake.....	5
Hajrizi: Kosova kishte nevojë për dije evropiane e amerikane – e sollëm me UBT-në.....	6
Abetare Rexhepi: Studentët përfitojnë nga bursat që ofron UBT.....	7
Aida Gashi: Prezantuesja në televizion, që studioi në MBE në UBT.....	7
Albina Zeneli: “ Sikur ta ktheja kohën, përsëri do zgjedhja UBT-në për studim”.....	8
Andelina Biqkaj: Studentët e UBT-së përfitojnë nga programi i Arkitekturës.....	8
Anisa Rada: Studentja e parë e diplomuar në Media dhe Komunikim në UBT.....	9
Arrita Dema: Studentët e UBT-së me mundësi punësimi e studimi jashtë vendit.....	10
Bardha Meta, nga UBT në Universitetin Politeknik të Milanos.....	10
Besnik Qehaja, mësimmhënës në UBT dhe doktorant në Universitetin Corvinus në Budapest.....	11
Dafina Ndrecaj: UBT – çelës i suksesit.....	12
Dea Macula e UBT-së, pjesë e kompanisë së njohur të marketingut.....	12
Ema Këpuska: UBT - mundësia më e mirë për të mësuar për t'u përgatitur për tregun e ICT-së.....	13
Donjeta Gashi: Studentja e MBE-së, fituese në garën e UBT-së.....	14
Ermira Muçiqi: UBT më ofroi njohuri e mundësi profesionale.....	14
Flamur Kadriu: Dija e fituar në UBT, çelës i suksesit në punë.....	15
UBT për 15 vjet ekzistimi e kishte në fokus Kosovën.....	16
Kosova triumfon në Garën për Siguri kibernetike në Çeki.....	17
UBT STATS, burim i rëndësishëm i statistikave në Kosovë.....	17
Fakulteti i Shkencave Kompiuterike, lider rajonal për teknologji informative.....	18
Tema master e studentit të UBT-së, Exhevit Ymeri, zbatohet edhe në praktikë.....	18
UBT e nderon me Çmimin “Excellence Leadership Award”, Driton Kukën.....	19
UBT u dhuron bursa mbi 100 studentëve.....	19
UBT ndihmon në zbukurimin e bulevardit “Bill Clinton”	19
Fotoreportazh.....	20-21
“IG Alpbach Kosovo” njoftoi studentët për mundësinë e fitimit të bursave.....	22
Zyra për Çështje Studentore lehtëson shërbimet për studentët.....	22
Studentët e Arkitekturës në UBT po e dëshmojnë veten si profesionistë.....	24
Fiona Haxhiu: Nga UBT në “Interior Painting and Design Corporation”.....	25
Florim Maloku: Të diplomuarit në UBT priten me krah të hapur në tregun e punës.....	25
Hana Qerimi: Studentja ambicioze e UBT-së, ndërmarrëse e suksesshme.....	25
Granit Peja, i punësuar në një kompani amerikane	26
Ismail Murati: Përfitim të mëdha nga ligjëratat me profesorët ndërkombëtarë.....	26
Jonida Xhema: Më e mira e gjeneratës, e angazhuar në UBT.....	27
Alba Merovci: Studentja e UBT-së në Televizionin Publik të Kosovës.....	28
Ledri Mahmuti: I diplomuar në UBT, i punësuar në kompaninë amerikane “Architects Rule”.....	28
Leoranda Arapi: UBT më ka ndihmuar të rritem profesionalisht.....	28
Marigona Çeta: UBT aftëson studentët për tregun e punës.....	29
Njomza Domi, pjesë e projekteve madhore arkitektonike.....	29
Nora Lika: Nga UBT në Universitetin Teknik të Vjenës.....	30
Rron Jolla: “UBT pati ndikim të në formimin tim profesional”.....	31
Vitesa Mustafa: Punimet seminarike dhe hulumtuese, mundësi për përfitimin e njohuri të reja.....	31
Vlora Gjurka: Studentja e SHKI, pjesë e kompanisë gjermane “Adaptiv Engineering”.....	31
Merita Gjyshinca – Peja: Banka Ekonomike e Kosovës menaxhohet nga një ish-studente e UBT-së.....	32
Fatbardhë Kiqina fiton çmimin prestigjioz në garën e organizuar nga UNICEF Innovations Lab Kosovo.....	32
Bashkëpunimi UBT - “Nartel” përforcon punën praktike të studentëve të UBT-së.....	33
Studentët e SHKI-së, praktikantë në MAPL.....	33
Atdhe Buja: UBT lider në fushën e sigurisë kibernetike.....	34
Librat profesionalë, me autorë të zgjedhur dhe fusha specifike – prioritet i UBT-së.....	36
UBT jep kontribut për përmirësimin e çështjeve urbane.....	38
Ministri Ferat Shala: Qytetarët e Kosovës të jetojnë në një ambient shumë më të pastër.....	38

Impresum

UBT Alumni

Botues: Edmond Hajrizi

Ky numër u përgatit nga studentet Jehona Kapllani, Edona Jerliu, Fatbardha Kiqina e Anisa Rada.

Dizajni: Tramor Racaj

www.ubt-uni.net

Editorial

Alumni, vlerë e përhershme e UBT-së

Dr. Edmond Hajrizi, President i UBT-së



Në fund të vitit të kaluar, UBT shënoi 15 vjet të punës, fillimisht të Institutit IEME e pastaj edhe të procesit të studimeve akademike. Në këtë manifestim, pos që u nderuan një numër i profesorëve që ishin ndër nismëtarët e këtij institucioni, ajo që spikati ishte prania e ish-studentëve tanë, një pjesë e të cilëve janë pjesë e rëndësishme të UBT-së, por edhe drejtues institucionesh të rëndësishme, ekspertë të shquar të fushave të ndryshme, profesorë në institucione akademike vendore e ndërkombëtare, pjesë e kompanive prestigjioze...

Secili më i suksesshëm se tjetri.

Por, UBT nuk i kujton ata vetëm në përvjetorë. I përcjell ata në vazhdimësi, që nga dita kur marrin diplomën dhe nisin karrierën e tyre, i mban ata afër, i ndihmon me konsulta të vazhdueshme. Edhe anasjelltas, Alumni i UBT-së e di që ka një adresë, një derë të hapur, në shtëpinë që është edhe e tyre.

Duke mbajtur këtë lidhje dhe duke ndërtuar këto raporte, UBT dhe Alumni dëshmojnë se kanë një lidhje të përhershme së bashku.

Ne në UBT, duke pasur bashkëpunim me mbi 250 universitete e institucione ndërkombëtare akademike e shkencore, u ofrojmë studentëve tanë edhe përvojat ndërkombëtare, edhe mundësitë e pakufishme për literaturë e profesorë ndërkombëtarë. Por, edhe më shumë, që studimet të vazhdojnë në nivele të tjera në institucionet partnere anekënd botës.

Po kështu, UBT ka bashkëpunim të institucionizuar me të gjitha institucionet kryesore shtetërore, akademike e profesionale në vend. Kjo u mundëson studentëve tanë të kenë një derë të hapur, të kenë një mundësi shtesë, të jenë një hap para të tjerëve, në garën për t'u

bërë pjesë e këtyre institucioneve.

Në të dy rastet, edhe në planin vendor edhe në planin ndërkombëtar, UBT është ballëhapur të propozojë studentët e vet. Kjo, sepse këtu studiojnë më të mirët. Dhe, rrjedhimisht, nga UBT dalin më të mirët.

Suksesi i të gjithë studentëve tanë dhe shkalla bindshëm më e larta e punësimit të tyre, gjatë dhe pas studimeve, është treguesi më i mirë për këtë.

Në faqet e këtij numri të revistës ju do të gjeni të prezantuara vetëm disa nga rastet e sukseseve të Alumnit të UBT-së. Studentëve të të gjitha drejtimeve, të cilët e kanë bartur përvojën e përfituar në UBT kudo në Republikën e Kosovës dhe jashtë saj, në shtete e kontinente të tjera. Fakti që ata e theksojnë dukshëm se ka qenë pikërisht UBT nisma dhe shtytsa e suksesit të tyre, na bën të ndihemi krenarë. Edhe më shumë, na motivon që me studentët aktualë të punojmë edhe më shumë, pandalshëm, që edhe për ta, si për gjithë të tjerët, vula e suksesit ta ketë emrin e UBT-së.

Suksesi i studentëve tanë në drejtimet përkatëse të studimeve, na ka shtyrë që të akreditojmë dhe të ofrojmë studime edhe nga fusha të tjera. Një shikim në listën e programeve që ofron UBT tregon qartë se tashmë jemi institucioni që, pasi ka ngritur në një nivel tepër të lartë studimet në drejtime ekzistuese, ka hapur studime edhe në drejtime të tjera. Drejtime që janë atraktive për studentët, por edhe të dobishme për shoqërinë. Shpesh prijatë në vend e në rajon.

Është dëshmuar se planprogramet e UBT-së janë të veçanta. Është dëshmuar se profesorët e angazhuar në UBT janë po kështu të veçantë. Kjo, natyrshëm, bën që edhe studentët e UBT-së të jenë të veçantë, si gjatë studimeve ashtu edhe pasi vazhdojnë ngritjen e mëtejshme akademike apo kur nisin karrierën e tyre.

Nisur nga kjo, UBT nuk rresht së angazhuari që studentët tanë të quhen me plot gojën "më të mirët".

Ky është një fakt i dëshmuar më së miri nga Alumni, që është një vlerë shtesë dhe e padiskutueshme e UBT-së. Suksesi edhe i UBT-së edhe i Alumnit qëndron te lidhja e përhershme që ne mbajmë. Një lidhje e pashkëputshme.

Ligjërata tematike “Çfarë të pritët nga presidenca e Trump-it”

Janusz Bugajski: SHBA nuk ka ndërruar qasje ndaj Kosovës

“Fitorja e Trump-it ka ngjallur frikë të madhe në mesin e shumicës së vendeve evropiane, për shkak të politikës së tij karshi Rusisë, por edhe përkundër kësaj, politika e jashtme amerikane nuk ka ndryshuar karshi vendeve evropiane, sidomos karshi Kosovës, të cilën po e shtyn drejt finalizimit të proceseve integruese”, vlerësoi analisti me famë botërore, njëherësh drejtor i Qendrës për Analiza të Politikës, Janusz Bugajski, gjatë ligjërates tematike “Çfarë të pritët nga presidenca e Trump-it”, mbajtur në UBT në Prishtinë

Përkrahja e SHBA-së kundrejt vendeve evropiane, veçanërisht ndaj Kosovës, nuk është zbehur pas fitores së Donald Trump-it dhe si rrjedhojë e kësaj, SHBA po e shtyn përpara procesin e shndërrimit të FSK-së në ushtri, madje do të fillojë të bëjë më tepër presion në shtetet e Bashkimit Evropian, të cilat nuk e kanë njohur ende Kosovën si shtet, si dhe do të vazhdojë të jetë ndihmuese në proceset integruese të Kosovës në NATO dhe në BE.

Këtë konstatim e ka bërë analisti me famë botërore, njëherësh drejtor i Qendrës për Analiza të Politikës, Janusz Bugajski, gjatë ligjërates tematike “Çfarë të pritët nga presidenca e Trump-it”, mbajtur në UBT në Prishtinë.

“Fitorja e Trump-it ka ngjallur frikë të madhe në mesin e shumicës së vendeve evropiane, për shkak të politikës së tij karshi Rusisë, por edhe përkundër kësaj, politika e jashtme amerikane nuk ka ndryshuar karshi vendeve evropiane, sidomos karshi Kosovës, të cilën po e shtyn drejt finalizimit të proceseve integruese”, vlerësoi Bugajski, nën arsyetimin se “një shtet mund të konsiderohet si i tillë vetëm atëherë kur bëhet me forcë ushtarake të përgatitur mirë dhe të gatshme për ta mbrojtur veten dhe kufijtë, si dhe për të dhënë kontribut edhe në NATO”.

Duke folur për politikën e jashtme amerikane, ai shtoi se nuk ka mundësi të ndryshohet qasja karshi vendeve në mënyrë drastike, pasi që, sipas tij, është e nevojshme që SHBA të mbajë lidhje me vendet e tjera të botës, në mënyrë që të vazhdojë të mbetet e fuqishme.

“Në qendër të doktrinës politike të presidentit Trump është Amerika e madhe dhe e fuqishme, por Amerika nuk është e vetmja në botë, prandaj për të forcuar atë, duhet të mbahen dhe të forcohen lidhjet me vendet e tjera të botës”, theksoi Bugajski.

Tutje, ai pohoi se presidenti Trump nuk e ka humbur interesimin ndaj mbështetjes së NATO-s dhe BE-së, por sipas tij, kanë ndryshuar vetëm kërkesat e tij ndaj këtyre organizatave.

“Kritikat e Trump-it ndaj BE-së dhe në veçanti ndaj NATO-s qëndrojnë tek përqendrimi dhe mënyra e financimit të kësaj organizate, sepse vendet e Evropës paguajnë shumë më pak se sa Amerika, e në anën tjetër, ndonëse të gjitha janë të obliguara, vetëm 5 shtete e



Përkrahja e SHBA-së kundrejt vendeve evropiane, veçanërisht ndaj Kosovës, nuk është zbehur pas fitores së Donald Trump-it dhe si rrjedhojë e kësaj, SHBA po e shtyn përpara procesin e shndërrimit të FSK-së në ushtri

shpenzojnë 2 përqindëshin e buxhetit të tyre në këtë organizatë”, tha Bugajski, për të shtuar se “duke e ndihmuar Amerikën, secili shtet e ndihmon veten”.

Sipas tij, ashtu siç ishte pritur dhe siç kishin shpresuar Rusia dhe Serbia, SHBA nuk ka ndryshuar qëndrim ndaj tyre, edhe pas zgjedhjeve të fundit.

“Rusia është munduar që ta shkatërrojë kredibilitetin e kandidates Clinton dhe ta dobësojë atë, në atë mënyrë që të manipulojë më lehtë me Trump-in, por në vend të kësaj, në vend të braktisjes së NATO-s, siç shpresonte Rusia, presidenti Trumpi u kërkoi aleatëve që, vetëm të shpenzojnë më shumë në këtë aleancë, në mënyrë që së bashku t’i arrijnë qëllimet”, theksoi Bugajski.

Në fund të ligjërates, të pranishmit shtruan pyetje mbi çështje të rëndësishme dhe aktuale, duke përfshirë të metat e udhëheqjes së presidentit Obama, karshi vendeve që po përballen me luftë, për ndikimin e Rusisë në zhvillimet e fundit në Maqedoni, për rreziqet dhe krizat që mund t’i përballojë BE-ja, për ndikimin e Gjermanisë tek vendet e Evropës, për situatën e krijuar pas daljes së Britanisë së Madhe nga BE-ja etj.

Para fillimit të ligjërates, Janusz Bugajski u prit në takim nga rektori i UBT-së, prof. dr Edmond Hajrizi, i cili e njoftoi me punën e UBT-së, si lider, ambasador dhe përfaqësues i vendit tonë, në shumë institucione ndërkombëtare.

Në takim u diskutuan një varg planesh për bashkëpunim midis UBT-së dhe Qendrës për Analiza të Politikës, të cilën e drejton Bugajski.

Personalitete prestigjioze vizitojnë UBT-në

Ekspertët e NATO-s sqarojnë anëtarësimin e shteteve në këtë organizatë

UBT, me organizimin e tryezës më temë “NATO dhe e ardhmja e sigurisë euroatlantike”, ka mbledhur të enjten ekspertët e lartë të NATO-s: Giorgio Battisti- komandant i Komandës së Stërviçjes dhe Doktrinës së Ushtrisë italiane dhe Brook Smith-Windsor - përfaqësues i Kolegjit të Mbrojtjes i NATO-s.

Ekspertët në mënyrë të detajuar kanë përshkruar rolin e NATO-s gjithandej globit, duke sqaruar për të pranishmit rolin dhe ndikimin e saj, historikun e krijimit dhe mënyrën e funksionimit të kësaj aleançe, si dhe për anëtarët dhe partneritetet që ka me shumicën e shteteve të botës.

Që në hapje, rektori i UBT-së ka falënderuar pjesëmarrësit, për të vijuar se, institucioni të cilin ai drejton, i kushton rëndësi të madhe fushës së sigurisë së përgjithshme.

“Siguria është një element thelbësor për të gjitha shtetet e botës, duke përfshirë edhe Kosovën, prandaj krahas institucioneve shtetërore, UBT po mundohet t’i jap hapësirën e merituar sigurisë shtetërore e globale, sigurisë kibernetike e marrëdhënieve ndërkombëtare”, tha rektori Hajrizi, teksa tregoi se “në UBT është themeluar Qendra për Siguri trans-atlantike, e cila do të merret me trajtimin, studimin dhe analizimin e çështjeve të sigurisë”.

Presidenti i Këshillit Atlantik të Shqipërisë, Arian Starova tha se rrethanat aktuale në të cilat gjendet Kosova, “tregojnë se jemi në rrugë të mbarë për të përshpejtuar procesin e pranimit të Kosovës në NATO”.

“Rezultatet e fundit tregojnë se FSK është plotësuar dhe se është e gatshme të shndërrohet në ushtri, madje këtë e ka mbështetur edhe administrata e Amerikës”, vlerësoi Starova.

Përfaqësuesi i Kolegjit të Mbrojtjes i NATO-s, dr Brook Smith - Windsor, duke treguar për hapat që një shtet duhet ndërmarrë për t’u bërë anëtar i NATO-s, tha se pranimi në këtë aleancë nuk është destinacion, por është udhëtim sepse, sipas tij, që në momentin kur hyn, duhet të bëhesh bashkë me vendet e tjera, për të luftuar dhe për të kërkuar zgjidhje për problemet e fushës së sigurisë.

“Është qenësore që para aplikimit për anëtarësim në NATO, secili shtet të rregullojë sigurinë e vet të brendshme, të jetë shtet i sigurt e stabil dhe në gjendje për të menduar më pas për sfida më komplekse, të shënjojë kufijtë dhe të ketë raport të mirë me shtetet fqinje”, theksoi Smith- Windsor, teksa tregoi mënyrën e funksionimit të kësaj aleançe.

“Përfitimi nga pranimi i një vendi në NATO, nuk është i njëanshëm. Secili shtet duhet të marrë, por dhe të kontribuojë në aspektin e sigurisë së përgjithshme globale, prandaj edhe reagimi është i përbashkët, sepse brenda aleancës, të sulmohet një shtet, është njësoj sikur t’i sulmohet të gjitha njëherësh.”

Tutje, Smith- Windsor shpjegoi disa prej ideve të gabuara, të cilat shtetet dhe popujt e ndryshëm i kanë krijuar karshi NATO-s.

“Brenda popujve të ndryshëm janë krijuar disa ide dhe koncepte të gabuara për mënyrën e funksionimit, organizimit dhe veprimtaria brenda aleancës euroatlantike”, theksoi ai, teksa numëroi disa prej tyre.

“NATO nuk është vetëm aleancë ushtarake, por edhe politike dhe si e tillë, as SHBA dhe as ndonjë vend tjetër nuk dominon mbi anëtarët e tjerë sepse çdo vendim merret me



miratimin e të gjitha shteteve përbërëse. Përveç kësaj, NATO nuk është në shërbim të asnjë feje dhe nuk punon kundër myslimaneve, si dhe nuk është garuese me BE-në e as kundërshtarë e Rusisë”, tha Smith- Windsor.

Komandant i Komandës së Stërviçjes dhe doktrinës së Ushtrisë italiane, Giorgio Battisti tha se në përbërjen e vet, NATO ka një shumëllojshmëri popujsh, kulturash, traditash, gjuhësh, gjinësh, uniformash e pikëpamjesh, por sipas tij, asnjëra prej tyre nuk përbën dobësi dhe vetëm sa e shton vlerën e kësaj aleançe.

“Në qendrën e interesit të NATO-s janë njerëzit dhe më pas teknologjia dhe të gjitha mjetet janë nën shfrytëzimin e tyre, ndonëse të ndryshëm, kjo organizatë është unike dhe nuk ka asnjë problem të llojit etnik, gjuhësor apo gjinor”, vlerësoi Battisti, i cili duke folur për mënyrën e marrjes së vendimeve, shtoi se “secili vend e ka peshën e njëjtë në marrjen e vendimeve, pra brenda aleancës, të gjitha vendet duhet të jenë të barabarta”.

Sipas gjeneralit Battisti, një rol të madh në funksionimin dhe koordinimin e NATO-s, e luajnë edhe partnerët e jashtëm, të cilët sipas tij, janë mbështetës dhe kontribuues të mëdhenj në ruajtjen e sigurisë dhe paqes.

“NATO nuk është vetëm përbërje e 28 shteteve të ndryshme, por është rrjet i madh i partneritetit mes vendeve të ndryshme të botës”, tha ai, për të shtuar se, Mali i Zi është pothuajse në përfundim të procedurave për t’u bërë aleati më i ri i kësaj aleançe.

Komandanti i Komandës së Stërviçjes në FSK, Enver Cikaqi vlerësoi se Kosova është në një pikë të rëndësishme, sa i përket zhvillimeve të brendshme, në raport me marrëdhëniet ndërkombëtare.

“Kosova dhe veçanërisht ne si FSK, kemi bashkëpunuar ngushtë me NATO-n dhe të gjithë bashkëpunëtorët tanë, për të krijuar të gjitha kushtet për ngritjen e kapaciteteve tona”, tha ai, teksa vlerësoi lart kontributin e aleancës euroatlantike në këtë aspekt.

Profesori Nusret Pllana, duke folur për rëndësinë e ndërhyrjes së forcave të NATO-s në Kosovë, përmes një kumtese tregoi se përfshirja e kësaj aleançe në luftën e Kosovës, kishte karakter humanitar.

“Ndërhyrja e forcave euroatlantike bëri që qytetarët e Kosovës të shpëtonin nga shfarosja etnike, të cilën e kishte planifikuar Serbia dhe kjo fushatë ishte kundërpërgjigje kundër zhdukjes së njërit prej popujve më të vjetër dhe më liridashës të Ballkanit”, vlerësoi ai.

Intervistë e rektorit, prof.dr.Edmond Hajrizi

Hajrizi: Kosova kishte nevojë për dije evropiane e amerikane – e sollëm me UBT-në

Rektori i UBT-së, prof. dr. Edmond Hajrizi, në një intervistë për “Radio Campus” rrëfen për motivin dhe arsyet e themelimit të UBT-së, këtu e 15 – vjet më parë. Si arsye të parë ai përmend vështirësitë arsimore në Kosovë, menjëherë pas përfundimit të luftës.

“Kemi filluar më 2001, kur isha kthyer nga Austria në pushim vere. Tashmë kisha përfunduar studimet e doktoratës në Austri dhe po punoja në të njëjtin universitet”, ka thënë rektori, sipas të cilit, kur është kthyer në Kosovë, ka vërejtur se ky shtet i ri ka shumë nevojë për dije, për çfarë duhej kontribuar secili.

Ai, përvojën e tij nga studimet dhe mësimdhënia në Universitetin e Vjenës e sollti dhe po e zbaton në Kosovë.

Rektori Hajrizi tregon se para 15 viteve themeloi Institutin për menaxhim të Ndërmarrjeve dhe Inxhiniering (IEME), i cili u themelua si institut profesional për ofrimin e edukimit, trajnimeve, hulumtimeve dhe konsultimeve në fusha të ndryshme të biznesit dhe të teknologjisë.

“Ishim të mbyllur në komunikim të jashtëm. Kosova nuk ishte e lidhur me zhvillimet. Në atë kohë erdhi interneti, një ndryshim që neve na gjeti të papërgatitur. Mendova që mund të japë kontribut në transferim të dijes dhe të teknologjisë, që të përmirësonim gjendjen”, vijoi rektori, me rrëfimin se menjëherë ka filluar të organizojë konferenca ndërkombëtare, që biznesmenët t’i dërgojë jashtë vendit për trajnime e shkëmbim përvojash.

Pas themelimit të Institutit filluan studimet master. Në fillim kishte vetëm 28 studentë, kurse 15 vjet pas ka rreth 20 mijë, me rritje të vazhdueshme - 3000 të regjistruar brenda vitit. UBT ka filluar punën pa ndonjë zyrë, ndërsa sot ka një infrastrukturë moderne, ajo në rritje ka vazhduar gradualisht.

UBT pas 15 viteve të punës ka 1000 punëtorë, staf administrativ dhe akademik. “Programi master ka qenë programi për teknologji, i bazuar në programin e Vjenës dhe universitetit të OHAIOS të SHBA. Dëshirova shumë që këtë program ta sjellim në Kosovë. I tërë programi ishte në gjuhën angleze edhe profesorët ishin të huaj”, tregon rektori Hajrizi.

Ai shton se UBT ka arritur rezultate të lakmueshme në shumë fusha dhe se përveç qëllimit primar që është edukimi i kadrove të reja, UBT ka qenë ambasadore e Kosovës jashtë vendit, duke e anëtarësuar vendin në shumë institucione ndërkombëtare, duke qenë e para në rajon.

Rektori Hajrizi u pozicionua në teknologji dhe biznes për të vetmin qëllim që të krijojë kadro të reja me perspektivë të veçantë dhe të ndryshojë pikëpamjen për biznesin.

“Dhe ne, faktikisht themelimin e bëmë në kohën kur Evropa tentonte çdoherë të themelonte institute për teknologji. Në shkollat e biznesit në universitete amerikane pashë që kishin një qasje mjaft të respektueshme, një qasje që ti do të jesh një lider i suksesshëm. Biznesi nuk duhet shikuar si diçka private, jo një interes i veçantë sa për vete. Ti duhet të punosh, të krijosh e të gjenerosh vlera. E, ai gjenerim në një ndërmarrësi me përgjegjësi quhet biznes”, thotë rektori Hajrizi.

Rektori ishte i fokusuar që në UBT të sillte më të mirën. Angazhoi më shumë se 300 profesorë dhe ekspertë nga të



“Kosova është një vend në transicion, ku mungojnë shumë gjëra. Dhe në këtë atmosferë ne kemi krijuar diçka nga asgjë dhe kemi krijuar që brenda 15 viteve të krijojmë shembull. Përkundër ambientit të vështirë kemi arritur të ndërtojmë UBT-në. Nga një ide, nga një dëshirë për të kontribuar kemi arritur shumë”

gjitha anët e botës. Krijoi bashkëpunim me mbi 200 universitete dhe institucione partnere me renome botërore.

“Ne kemi filluar me profesorë ndërkombëtarë dhe kemi dashur që të sjellim përvoja që ekzistojnë në botë. Ne duam që Kosova të integrohet sa më shpejtë në botë. Në mënyrë që ne të eliminojmë paragjykimet, sepse atë ndjenjë e kam përfutur vetë kur kam shkuar në Austri, kështu që 5-6 vjet kemi zhvilluar mësimin me 90 për qind të profesorëve ndërkombëtarë”, tregon Hajrizi për të shtuar se është ndjenjë e mirë “që kemi krijuar një sistem modern të arsimit të lartë në Kosovë, që i përmbush praktikat ndërkombëtare”.

“Kosova është një vend në transicion, ku mungojnë shumë gjëra. Dhe në këtë atmosferë ne kemi krijuar diçka nga asgjë dhe kemi krijuar që brenda 15 viteve të krijojmë shembull. Përkundër ambientit të vështirë kemi arritur të ndërtojmë UBT-në. Nga një ide, nga një dëshirë për të kontribuar kemi arritur shumë”, ka vijuar Hajrizi, derisa ka shtuar se është shumë domethënëse për të rinjtë, që, nëse duan mund të angazhohen dhe të kesh suksese.

UBT ka shkallë shumë të lartë të punësimit të të diplomuarve. Rektori tregon se të diplomuarit në këtë institucion e kanë gjetur shpejt veten në tregun e punës.

“Ne kemi një punësim shumë të lartë të të diplomuarve. Një element tjetër janë degët gjithëherë të reja, jo kopje, por diçka alternative. UBT është rritur falë rrjedhës që krijohet nga vetë studentët dhe stafi i tij.

Çdo vit kemi rritje të theksuar të studentëve dhe stafit. Ne i falënderojmë për besimin. Ne jemi plotësisht të vetëdijshëm që duhet të punojmë, që të fitojmë kompetenca të mirëfillta tek këta studentë”, shton rektori Hajrizi, sipas të cilit UBT nuk u ikë problemeve që ka shoqëria kosovare, por mundohet t’i zgjidhë ato, në të gjitha mënyrat.

“Përveç kësaj, e veçanta në këtë 15-vjetor është një qasje proaktive me problemet që ka shoqëria. Kemi ofruar mbështetje komunave në studimet e fizibilitetit për zonat ekonomike. Ne kemi bërë analiza, publikime e konsultime për t’i ndihmuar vendimmarrjeve tona, qoftë në nivel lokal, qoftë në nivel qendror. Ne kemi një kompetencë proaktiviteti institucional, që nuk është shumë i njohur në Kosovë”, ka përfunduar Hajrizi.

Abetare Rexhepi, studente në nivelin Master në Arkitekturë

Studentët përfitojnë nga bursat që ofron UBT

UBT ofron mbështetje dhe lehtësi të shumta për studentët e dalluar, të cilët vijojnë studimet në këtë institucion. Nga këto mundësi ka përfituar edhe studentja e nivelit master në Fakultetin e Arkitekturës, në UBT, Abetare Rexhepi, e cila ka qenë bursiste për disa vite me radhë.

“Pas rezultateve të mia, të treguara me përfundimin e vitit të parë, UBT më shpërbleu si bursiste, ku me angazhimin tim të vazhdueshëm, bursat më përcollën deri në përfundimin e studimeve të nivelin bachelor”, thotë Rexhepi, duke treguar rrugëtimin e të qenit një studente e dalluar.

“Pas çdo rezultati të mirë është një punë e mundimshme dhe shumë net pa gjumë prapa, por falë ndihmës, si nga ana e profesorëve ashtu edhe e asistentëve, rezultati nuk ka munguar asnjëherë”.

Aktualisht, studentja Rexhepi është duke i vazhduar studimet e nivelit master në drejtimin e Arkitekturës në UBT.



“Pas çdo rezultati të mirë është një punë e mundimshme”:
Abetare Rexhepi

Aida Gashi

Prezantuesja në televizion, që studioi në MBE në UBT



Aida Gashi është njëra nga shumë studentet që kanë përfunduar suksesshëm studimet themelore në fakultetin për Menaxhment, Biznes dhe Ekonomi në UBT. Ajo ende pa përfunduar studimet është sistemuar me punë, si prezantuese e suksesshme televizive në transmetuesin publik të Kosovës.

Gashi tash e 11 vite e mban me sukses këtë pozitë, por sipas saj, rëndësi të veçantë për të janë edhe studimet në UBT. Ajo thekson se praktikat e zhvilluara dhe profesionalizimi i treguar nga ana e profesorëve ka bërë më të lehtë qasjen në tregun e punës.

“UBT është institucioni i vetëm i arsimit të lartë që sjell programe studimi të veçanta dhe programe të kërkuara në tregun e punës, andaj vendosa që studimet e mia t'i kryej pikërisht në UBT”, ka thënë Gashi.

“Gjatë viteve sa isha pjesë e UBT-së sigurisht se më përcollën ngjarje të rëndësishme ashtu si çdo student tjetër, por më e rëndësishmja ishte që çdo ditë nga dera e UBT-së, dilnim me dije dhe informacione të reja”, ka theksuar ajo.

UBT ka mision, vizion e strategji, të cilat bazohen në zhvillimin e arsimit të lartë në Evropë. Programet e studimit në UBT ofrojnë mundësi për studentët që, përveç njohurive akademike e teorike, të fitojnë edhe aftësi më të gjera praktike.

Albina Zeneli ish-studente në Fakultetin Media dhe Komunikim


“Sikur ta ktheja kohën, përsëri do zgjedhja UBT-në për studim”

Albina Zeneli ish-studente në Fakultetin Media dhe Komunikim në UBT, është sistemuar me punë ende pa përfunduar studimet themelore. Ajo ka punuar në medime nacionale, derisa së fundmi ka lidhur kontratë me portalin Arbresh.info.

Zeneli ka theksuar se falë UBT-së, praktikave të zhvilluara dhe profesionalizimit të treguar nga ana e profesorëve të drejtimit përkatës, ka arritur të depërtojë lehtë në tregun e punës.

“Kushtet e drejtimit Media dhe Komunikim kanë qenë në nivel të lartë që ne të dalim me shumë sukses në tregun e punës. Nëse do e ktheja kohën përsëri, do zgjedhja UBT-në”, ka thënë ajo dhe ka shtuar se UBT si institucion i nivelit të arsimit të lartë, ofron mundësi për avancimin në drejtime të caktuara, përveç që praktika të mundëson të zhvillohesh, as ofertat për punë nuk mungojnë.

Ajo ka thënë se UBT është një institucion i cili ofron mundësi të mira për marrje të njohurive nga një personel akademik, si dhe ofron vizita me karakter studimor në universitetet dhe institucionet partnere, e diploma që janë të njohura ndërkombëtarisht.



Filloi punën si gazetare ende pa i përfunduar studimet:
Albina Zeneli

Andelina Biqkaj

Studentët e UBT-së përfitojnë nga programi i Arkitekturës

Studentja e Arkitekturës në UBT, Andelina Biqkaj, menjëherë pas përfundimit të studimeve të nivelit bachelor, u punësua si praktikante në ndërmarrjen ndërtimore dhe projektuese ‘Bashkimi Projekt’, në Prishtinë, ku merr pjesë në projektimin e të gjitha llojeve të ndërtesave, realizimin e enterierëve të ndryshëm, si dhe merret me llogaritje të ndryshme ndërtimore.

Biqkaj tha se kjo punë është një përvojë e mirë, pasi që sipas saj, ofron mundësi për ballafaqim me realitetin.

“Punën të cilën e kam sot, e kam fituar me punë dhe angazhim, por edhe me ndihmën e profesorëve. E rëndësishme është se në të po gërshetohen ana teorike dhe ajo praktike”, vlerësoi ajo.

Tutje, Biqkaj u shpreh se ka përfituar shumë nga programi i studimit të Arkitekturës në UBT.

“Përparësi për studentët e UBT-së është koordinimi i mirë i programit të studimeve, si dhe integrimi i të gjitha lëndëve të Artit dhe Shkencës në Arkitekturë, ku në këtë aspekt, çdo studenti i është dhënë mbështetja e trajtimit dhe integritit të ideve të reja nga ana e profesorëve”, theksoi ajo, teksa shtoi se prezantimi i punës dhe projekteve të tyre, gjithmonë ka ngjallur interesim dhe debate mes studentëve dhe profesorëve.



“Përparësi për studentët e UBT-së është koordinimi i mirë i programit të studimeve, si dhe integrimi i të gjitha lëndëve të Artit dhe Shkencës në Arkitekturë”:
Andelina Biqkaj

Anisa Rada

Studentja e parë e diplomuar në Media dhe Komunikim në UBT

“Çelësi i rezultateve të mira është puna. Me punë të vazhdueshme mund arrihen sukseset në çdo fushë, teksa për punë të suksesshme kërkohet vullneti dhe dashuria për profesionin që do të ushtrosh në të ardhmen”

Studentja e nivelit master në Fakultetin e Medias dhe Komunikimit në UBT, Anisa Rada ka arritur të punësohet dhe të gjejë veten në institucionin, në të cilin edhe ka studiuar.

Alumni: Si keni vendosur të studioni në UBT?

Rada: Pas mbarimit të shkollës së mesme, kam vendosur të studioj në drejtimin e gazetarisë. Isha në dyshim se ku do të studioja, në Kosovë apo jashtë Kosovës. Para vetes kisha shumë institucione private dhe publike, të cilat më ofronin këtë mundësi.

Pas analizave të shumta, mora vendim që të zgjedh UBT-në për disa arsye, duke filluar nga stafi profesional, programet cilësore të studimit, partneriteti me universitete dhe institucione të mirënjohura vendore e ndërkombëtare etj.

Motoja e UBT-së “Top Education for Top Students”, ishte një frymëzim pasi që në hapat e para të karrierës duhet të zgjedhësh më të mirin që të bëhesh më i miri.

Alumni: A mund të ndani me ne ndonjë ngjarje të rëndësishme nga periudha e studimeve?

Rada: Gjatë studimeve, ndër shumë ngjarje mund të veçoj momentin kur në vitin e tretë të studimeve, nga UBT dhe nga profesorët, u organizua puna praktike në mediumet më të njohura në Kosovë.

Gjatë punës praktike, pas performancës së treguar nga studentët e Fakultetit Media dhe Komunikim, drejtuesit e mediave përkatëse ishin shumë të kënaqur dhe kështu, studentëve më të suksesshëm u kanë ofruar mundësi për zhvillim të mëtejshëm të praktikës dhe më pas edhe mundësi punësimi.

Alumni: Sa keni përfutuar nga programet e studimit në UBT?

Rada: Programet e studimit në UBT ofrojnë njohuri dhe mundësi përfitimi të shumta. Në këtë drejtim, edhe unë si studente e UBT-së kam përfutuar njohuri të shumta qoftë në anën teorike, ashtu edhe në atë praktike në shumë aspekte, si: në komunikim, në aftësi në shkrim, në mënyrën e hulumtimeve dhe qasjen e informacioneve, në të folurit në radio, televizion apo në publik, pastaj në përdorimin profesional të kamerës dhe aparatit fotografik, editimin, montimin e materialeve gazetareske etj.

Alumni: A keni përfutuar nga mundësitë që ofron UBT për udhëtime studimore, studime jashtë vendit përmes UBT-së, internship apo forma të tjera të angazhimit?

Rada: Nga mundësitë të shumta që ofron UBT sa i përket udhëtimeve studimore dhe studimeve jashtë vendit, unë personalisht nuk kam shprehur interesim, për arsye të angazhimeve të shumta brenda në Kosovë, duke përfshirë këtu punën e koordinatores për media në festivalin e muzikës “NgomFest”, pastaj koordinatores së kinemasë në festivalin më të madh në rajon të filmave të metrazhit të shkurtër “DokuFest”, isha e angazhuar edhe në mediat elektronike të informimit (portale), si në KultPlus, pastaj edhe praktikante në televizionin lokal të Prizrenit “TV Besa”, si dhe në atë nacional, RTK etj.

Alumni: Ju keni treguar rezultate shumë të mira gjatë studimeve. Si e keni arritur këtë?

Rada: Çelësi i rezultateve të mira është puna. Me punë të



Përvojën e fituar në studime e përcjell të studentët e rinj:
Anisa Rada

vazhdueshme mund arrihen sukseset në çdo fushë, teksa për punë të suksesshme kërkohet vullneti dhe dashuria për profesionin që do të ushtrosh në të ardhmen.

Nëse këtyre kritereve ia shtojmë edhe këmbëngulësinë për arritjen e sukseseve, atëherë rezultatet pozitive janë të pashmangshme. Mirëpo, afërsia dhe profesionalizmi i profesorëve, si dhe gatishmëria e tyre që gjithnjë t’ju përgjigjen kërkesave tona, duke na udhëzuar sa herë që kemi pasur nevojë për këshillat e tyre të dobishme, kanë qenë trasues të rrugës për arritjen e sukseseve.

Ndihem shumë krenare që kam diplomuar si studente e dalluar e gjeneratës së parë në drejtimin Media dhe Komunikim.

Alumni: A jeni duke punuar pas studimeve dhe ku?

Rada: Jam e punësuar në UBT, i cili është institucioni më inovativ i arsimit të lartë në Kosovë dhe në rajon.

Misioni i UBT-së është plotësimi i kërkesave dhe nevojave të arsimit të lartë, i cili synon të ndërtojë ekonominë dhe shoqërinë, për t’u bërë pjesë e tregut të dijes evropiane dhe globale.

Në UBT jam e përcaktuar në detyrat e punës së koordinatores së studentëve të drejtimin Media dhe Komunikim, po ashtu jam tutore në disa lëndë dhe jam pjesë e Grupit të Mediave në UBT, që merret me organizimin dhe informimin rreth ngjarjeve, aktiviteteve, organizimeve në UBT etj. Në punën time, kënaqësi të veçantë ndjej në punën e tutorimit, ku studentët janë shumë ambicioz dhe punëtorë.

Alumni: A jeni duke vazhduar studimet?

Rada: Po, jam duke i vazhduar studimet në nivelin master.

Alumni: Ku jeni duke i vazhduar studimet?

Rada: Studimet në nivelin master jam duke i vazhduar në UBT, konkretisht në drejtimin Media dhe Komunikim.

Arsyeja pse e kam zgjedhur t’i vazhdoj studimet në këtë drejtim është për faktin se mundëson avancim profesional shumë të gjerë në shumë fusha si në: gazetari, marketing, marrëdhënie me publikun, regji, kamera dhe fotografi, radio, televizion etj.

Pra, kur pasioni juaj bëhet profesioni juaj, sukcesi dhe ngritja profesionale është e pashmangshme.

Arrita Dema

Studentët e UBT-së me mundësi punësimi e studimi jashtë vendit

“Kushtet adekuate, lidhja e fortë me profesorët dhe kolegët, bibliotekat e pasura, vizitat e ndryshme, intershipet dhe forcimi i aftësive profesionale, ka bërë që UBT të jetë institucioni ideal për pjekje profesionale”

Studentja e Shkencave politike, Arrita Dema, ka arritur që falë bashkëpunimit të UBT-së me Universitetin e Varshavës, të vazhdojë studimet e nivelit master në këtë universitet prestigjioz evropian.

Për përvojën gjatë kryerjes së studimeve themelore në UBT, Dema tha se në këtë institucion ka gjetur gjithçka që ka pasur nevojë, në fushën e studimeve.

“Kushtet adekuate, lidhja e fortë me profesorët dhe kolegët, bibliotekat e pasura, vizitat e ndryshme, intershipet dhe forcimi i aftësive profesionale, ka bërë që UBT të jetë institucioni ideal për pjekje profesionale”.

Ajo tha se programi i Shkencave Politike në UBT është shumë i sofistikuar, si në aspektin e mësimin teorik, ashtu edhe në atë praktik.

“Unë kam përfituar të gjitha njohuritë e nevojshme për një student të nivelit themelor të studimeve, duke filluar nga më baziket e deri tek ato më profesionale të mundshme”, vlerësoi Dema, teksa shtoi se ligjëratat kanë qenë atraktive dhe të plotësuara me debate, prezantime e hulumtime shkencore.

Duke rrëfyer për mundësitë për punësim, që i janë ofruar pas përfundimit të studimeve, ajo theksoi se aktualisht është e punësuar, kurse më parë ka qenë pjesë e shumë trajnimeve, vizitave e praktikave nëpër institucione të ndryshme të Kosovës.

Menjëherë pas diplomimit ajo është punësuar në “Kenny Foundation”, fondacion zviceran për bamirësi, ndërsa më parë ka qenë pjesë e praktikës profesionale në Ministrinë e Punëve të Jashtme dhe në atë të Punëve të Brendshme të Kosovës.



Nga UBT në Universitetin e Varshavës:
Arrita Dema

Të diplomuarit në UBT me rrugë të hapura studimi nëpër vende të Evropës

Bardha Meta, nga UBT në Universitetin Politeknik të Milanos



“Jam mirënjohëse ndaj UBT-së, që gjithmonë na ka dhënë mundësi të mëdha”: Bardha Meta

Ish-studentja e Arkitekturës dhe Planifikimit hapësinor, Bardha Meta, pas përfundimit të studimeve të nivelit bachelor në UBT, është pranuar në Universitetin Politeknik të Milanos, për të vazhduar studimet e nivelit master.

Për rrugëtimin e suksesshëm të saj, Meta i është mirënjohëse UBT-së dhe veçanërisht profesorëve të këtij institucioni, të cilët, sipas saj, kanë ofruar ndihmë dhe këshilla për të dhe për të gjithë studentët, që një ditë ëndërrojnë të bëhen arkitektë.

“Jam mirënjohëse ndaj UBT-së, që gjithmonë na ka dhënë mundësi të mëdha për zgjerimin e njohurive dhe na ka mbështetur për qëllimet tona si studentë”, tha Meta, teksa shtoi se një ndihmesë e madhe për ta ka qenë edhe literatura e larmishme nëpër bibliotekat e UBT-së.

“Kemi pasur mundësi të shumta për marrjen e njohurive përmes librave të shumta, të cilët i kemi pasur në bibliotekën e UBT-së, por edhe në ato online, për të cilat UBT paguan me të vetmin qëllim që studentët ta kenë më të lehtë studimin”, tha ajo.

Pas përfundimit të studimeve, studentja Meta planifikon të kthehet në Kosovë, për të dhënë kontributin dhe njohuritë e marra nga vitet e studimit në Itali.

Flet Besnik Qehaja

Mësimdhënës në UBT dhe doktorant në Universitetin Corvinus në Budapest

“Në vitin e dytë të studimeve në nivelin bachelor, kam fituar mundësinë e internshipit në UBT, kurse pas saj, me financimin e UBT-së vazhdova nivelin master dhe atë të doktoratës. E gjithë merita për suksesin tim, shkon për UBT-në, respektivisht për rektorin e këtij institucioni, prof. dr Edmond Hajrizi”

Ish-studenti i UBT-së, tash asistent në disa lëndë në drejtimin e Shkencave kompjuterike dhe Inxhinierisë në UBT, Besnik Qehaja, në një intervistë dhënë për revistën Alumni, tha se UBT i ka ndihmuar të kuptojë anën shkencore, si dhe e ka mbështetur në ngritjen e nivelit akademik.

Arritjen e tij, Qehaja ia ka atribuar rektorit të UBT-së, prof. dr Edmond Hajrizit, i cili sipas tij, i mbështet të gjithë studentët, tek të cilët sheh potencial.

Alumni: Si keni vendosur të studioni në UBT?

Qehaja: Pas kthimit tim nga Zvicra, vendosa të studioj në UBT, pasi që ishte institucion me reputacion dhe ma rekomanduan studentët që tashmë ishin pjesë e UBT-së. Krahas kësaj, gjithmonë kam pasur dëshirë të studioj në drejtimin e Shkencave kompjuterike, për shkak se puna ime ishte e lidhur me këtë drejtim.

Alumni: A mund të ndani me ne ndonjë ngjarje të rëndësishme nga periudha e studimeve?

Qehaja: Ngjarja me rëndësishme gjatë periudhës së studimeve ishte kur qysh në vitin e dytë më rekomanduan për internship brenda UBT-së, dhe po ashtu në ato ditë mora pjesë edhe në konferencën e Durrësit, me ç'rast ishte hera e parë që, si student arrita të jem pjesë e një konference të tillë.

Alumni: Sa keni përfituar nga programet e studimit në UBT?

Qehaja: Përfitimet janë të mëdha, sidomos në pjesën teorike, pasi që në pjesën praktike veç isha i përgatitur. Gjatë studimeve, përkushtimi dhe bashkëpunimi rezultoi në marrjen e një bagazhi të madh të dijes.

Alumni: A keni përfituar nga mundësitë që ofron UBT për udhëtime studimore, studime jashtë vendit përmes UBT-së, internship apo forma të tjera të angazhimit?

Qehaja: Në vitin e dytë të studimeve në nivelin bachelor, kam fituar mundësinë e internshipit në UBT, kurse pas saj, me financimin e UBT-së vazhdova nivelin master dhe atë të doktoratës. E gjithë merita për suksesin tim, shkon për UBT-në, respektivisht për rektorin e këtij institucioni, prof. dr Edmond Hajrizi

Alumni: Ju keni treguar rezultate shumë të mira gjatë studimeve. Si e keni arritur këtë?

Qehaja: Me përkushtim dhe interesim të madh, sidomos në nivelin bachelor, pasi që shumë shpesh kam ndjekur ushtrime dhe tutorim nga dy herë për një lëndë, për të vetmen arsye që dija dhe mundësia që më është dhënë, të



Studimet themelore dhe bachelor në UBT, doktoratën, falë UBT-së, në Universitetin Corvinus në Budapest: Besnik Qehaja

shfrytëzohet.

Alumni: A jeni duke punuar dhe ku?

Qehaja: Me mundësinë që më është dhënë nga UBT, tash e pesë vite jam pjesë e UBT-së dhe jam shumë i privilegjuar që punoj në institucionin, i cili ma ka treguar rrugëtimin drejt suksesit, pikërisht për këtë arsye punoj me përkushtimin më të madh dhe ndjej përgjegjësi ndaj punës që e bëj.

Alumni: Çfarë pune bëni?

Qehaja: Unë jam asistent për lëndët që kanë të bëjnë me Rrjete Kompjuterike, si dhe jam pjesë e stafit të brendshëm në kuadër të Fakultetit të Shkencave Kompjuterike dhe Inxhinierisë, me ç'rast kontribuoj shumë në pjesën administrative për studentët dhe fakultetin.

Alumni: A jeni duke vazhduar studimet?

Qehaja: Studimet e doktoratës jam duke i vazhduar në Hungari, në Corvinus University of Budapest, falë UBT-së. Drejtimi ka të bëjë me informatikën dhe biznesin, teksa tash jam në semestrin e parë dhe deri më tash kam bërë dy publikime, që janë pranuar nga universiteti, si dhe i kam dhënë edhe dy provime, të cilat unë i mbaj në UBT dhe që më janë pranuar në Universitetin e Budapestit, ku unë po i vijoj studimet.

Dafina Ndrecaj

UBT – çelës i suksesit

Pas studimeve të suksesshme në nivelin bachelor në UBT, respektivisht në drejtimin Menaxhment Biznes dhe Ekonomi, studentja Dafina Ndrecaj është avancuar me pozitë në kompaninë “Telekomi i Kosovës”, me ç’rast ajo aktualisht punon në departamentin e Marketingut si zyrtare për hulumtim të tregut.

Ndrecaj suksesin e saj të treguar në këtë fushë ia atribuon stafit të UBT-së të cilët, sipas saj, kanë dhënë maksimumin e tyre për ngritjen profesionale të studentëve.

“Metodat e aplikuara e kurrikulat, si dhe profesorët vendorë e ndërkombëtarë, që ligjëruan në UBT, kanë bërë që shumë studentë të këtij drejtimi të dalin në tregun e punës të avancuar e profesionalë”, tha Ndrecaj.

Sipas saj, UBT tashmë ka krijuar kapacitete e infrastrukturë e cila është e konkurrueshme ndërkombëtarisht, andaj studentët përkushtohen që studimet ti vijojnë në këtë institucion.

UBT është institucion i arsimit të lartë që ofron programe bashkëkohore studimi sipas standardeve cilësore ndërkombëtare, si dhe ka partneritet me shumë universitete dhe institucione akademike.



Profeorët e UBT-së kanë dhënë maksimumin e tyre për ngritjen profesionale të studentëve: Dafina Ndrecaj

Karrierë e suksesshme e studentes së SHKI

Dea Macula e UBT-së, pjesë e kompanisë së njohur të marketingut

Studentja e Fakultetit të Shkencave kompjuterike në UBT, Dea Macula është punësuar në kompaninë e marketingut “Yellow Pages Kosovo”, e cila është e para e këtij lloji në Kosovë, që funksionon si pjesë e rrjetit ndërkombëtar të fletëve të verdha.

Në kuadër të kësaj kompanie, Macula është përgjegjëse për regjistrimin e të dhënave të bizneseve, të cilat duan të listohen, të reklamohen dhe të jenë të dukshme në kohë reale, përmes platformave elektronike dhe guideve të ndryshme të bizneseve.

Sipas saj, rezultatet e arritura janë fryt i përkushtimit të saj, si dhe metodave më të sofistikuara për mësim teorik e praktik, që aplikohen në fakultetin e SHKI-së.

“Falë mënyrës së mësimdhënies dhe organizmit të studimeve, kam arritur të zgjeroj njohuritë teorike, përmes punimeve individuale e grupe, si dhe falë programeve të ndryshme, që më kanë ndihmuar të përmirësoj aftësitë e mia akademike dhe të përgatitem për tregun e punës”, vlerësoi ajo.

Macula është duke i vazhduar studimet e nivelit master në UBT, teksa me interes të shtuar i përcjellë edhe konferencat, ligjëratat tematike të personaliteteve të njohura të kësaj fushe, si dhe aktivitetet e ndryshme, që organizohen në UBT, në kuadër të fakultetit të SHKI-së.



Përgjegjëse për regjistrimin e të dhënave të bizneseve në “Yellow Pages Kosovo”: Dea Macula

Emë Këpuska

UBT - mundësia më e mirë për të mësuar për t'u përgatitur për tregun e ICT-së

"Duke marrë parasysh faktin se teknologjia është gjithmonë në zhvillim dhe vajzat në Kosovë vetëm sa kanë filluar të inkuadrohen në botën e teknologjisë, mundësia për të mësuar këto risi dhe për t'u përgatitur për tregun e ICT-së, është dhënë vetëm në kuadër të UBT-së".

Ish-studentja e UBT-së në Fakultetin e Shkencave kompjuterike dhe Inxhinierisë, tash pjesë e stafit akademik të këtij institucioni, Emë Këpuska, në një intervistë për revistën Alumni, ka treguar për përvojën dhe ndjenjën e të punuarit në një institucion të arsimit të lartë, menjëherë pas përfundimit të studimeve, me ç'rast është shprehur se ndihet e privilegjuar që i është dhënë mundësia të ndihmojë studentët e tjerë, përmes orëve shtesë të tutorimit.

Alumni: Si keni vendosur të studioni në UBT?

Këpuska: Vendimi për të studiuar në UBT ka ardhur për shkak të dëshirës të madhe për t'u marrë me probleme inxhinierike dhe për të qenë në hap me zhvillimet moderne teknologjike.

Duke marrë parasysh faktin se teknologjia është gjithmonë në zhvillim dhe vajzat në Kosovë vetëm sa kanë filluar të inkuadrohen në botën e teknologjisë, mundësia për të mësuar këto risi dhe për t'u përgatitur për tregun e ICT-së, është dhënë vetëm në kuadër të UBT-së.

Alumni: A mund të ndani me ne ndonjë ngjarje të rëndësishme nga periudha e studimeve?

Këpuska: Dita e diplomimit është njëra nga ngjarjet më të rëndësishme që kam përjetuar gjatë studimeve në UBT. Në këtë ditë, ëndrra për të përfunduar studimet në një institucion të njohur ndërkombëtarisht, si dhe për të dalë nga këtu si një person i kualifikuar për industri në fushën e shkencës, është bërë realitet.

Alumni: Sa keni përfituar nga programet e studimit në UBT?

Këpuska: Gjatë studimeve në UBT, unë si studente kam përfituar shumë në lëmi të ndryshme. Duke filluar prej zgjerimit të dijenive në fusha të caktuara, si dhe përgatitje profesionale nga një numër i madh i profesorëve. Në këtë aspekt, secili nga profesorët është munduar të na bëjë studimet më atraktive dhe të na përgatisë për të ardhmen.

Nga UBT-ja kam përfituar shumë, duke nënkuptuar këtu edukimin profesional, si edhe edukatën e punës.

Alumni: A keni përfituar nga mundësitë që ofron UBT për udhëtime studimore, studime jashtë vendit përmes UBT-së, internship apo forma të tjera të angazhimit?

Këpuska: Si alumni i UBT-së, apo si një studente që ka përfunduar studimet në këtë institucion, më janë ofruar shumë internshipe (punë praktike) nga kompani të mëdha. Njëra ndër kompanitë që kam punuar në kuadër të UBT-së, ka qenë kompania PECB. Gjithashtu, kam marrë pjesë



"Ndikim të lartë e kanë pasur profesorët, që janë marrë me studentët për çdo problem që ata kanë hasur gjatë studimeve, duke dhënë shembuj praktikë, si dhe duke shfrytëzuar literaturën adekuate për lëndët përkatëse": Emë Këpuska

në shumë projekte që më kanë konsideruar si kandidatë shumë të fortë, duke marrë parasysh faktin që kam një prapavijë të fortë edukative.

Alumni: Ju keni treguar rezultate shumë të mira gjatë studimeve. Si e keni arritur këtë?

Këpuska: Rezultatet e mira gjatë studimeve janë arritur falë bashkëpunimit me profesorët, si dhe punës në grupe me studentë të tjerë, të angazhuar për të arritur sukses. Ndikim të lartë e kanë pasur profesorët, që janë marrë me studentët për çdo problem që ata kanë hasur gjatë studimeve, duke dhënë shembuj praktikë, si dhe duke shfrytëzuar literaturën adekuate për lëndët përkatëse.

Motivimi më i madh gjatë këtyre viteve të studimit për mua ka qenë puna e palodhshme e profesorëve për të na përgatitur për të ardhmen në fushën e shkencës, atmosfera e ofruar për studime dhe përpjekjet personale për t'u aftësuar për një karrierë me prosperitet në të ardhmen.

Alumni: A jeni duke punuar pas studimeve dhe ku?

Këpuska: Po, jam punësuar në UBT.

Alumni: Çfarë pune bëni?

Këpuska: Unë jam e angazhuar në UBT për tutorim në lëndën "Baza e të dhënave", ndërkaq gjithashtu jam pjesë e ekipit zhvillues.

Në rolin e tutorimit kam punë të ndryshme, siç janë: ndihma e ofruar nga unë për asistentët e lëndës gjatë ushtrimeve, si dhe ushtrimet shtesë me studentët që kanë pasur probleme në kuptimin e terminologjisë dhe punëve praktike.

Donjeta Gashi

Studentja e MBE-së, fituese në garën e UBT-së


Studentja e MBE-së në UBT, Donjeta Gashi vlerëson se UBT ofron mundësi unike studimi, të cilat i ndihmojnë studentët të orientojnë dhe të avancojnë në fushat e tyre të studimit, teksa sipas saj, në këtë institucion ekzistojnë shumë veçori, të cilat universitetet dhe kolegjet tjera nuk i kanë.

“Karakteristike e veçantë e UBT-së është të mësuarit praktik, përmes projekteve të ndryshme, gjë që të përgatitë për tregun e punës, veçori që cila mungon në shumicën e institucioneve tjera të arsimit të lartë”, theksoi ajo.

Duke kujtuar periudhën e studimeve, Gashi tha se UBT i ka falur shumë kujtime të bukura, me ç’rast ajo veçon shpërblimin e fituar nga programi “Marianne Graf 2016”.

“Një ngjarje e rëndësishme për mua është pjesëmarrja në programin e organizuar nga UBT – “Inovacioni për komunitetin”, ku kemi aplikuar për çmimin “Marianne Graf 2016”, ku u vlerësuam me vendin e dytë”, tregoi ajo.

Studentja Gjurka është duke i vazhduar studimet e nivelit master në UBT, në Departamentin e MBE-së, konkretisht në drejtimin Marketing dhe Shitje.



Donjeta Gashi tha se UBT i ka falur shumë kujtime të bukura, me ç’rast ajo veçon shpërblimin e fituar nga programi “Marianne Graf 2016”

Ermira Muçiqi

UBT më ofroi njohuri e mundësi profesionale



Edukimi akademik në UBT është i bazuar në standardet më të larta ndërkombëtare: Ermira Muçiqi

Studentja e arkitekturës në nivelin bachelor në UBT, Ermira Muçiqi pas përfundimit të studimeve menjëherë ka arritur që të fillojë me punë në ndërmarrjen ndërtimore “Ndërtimtari” në Podujevë.

Ajo ka treguar përvojat më të mira që ka pasur gjatë studimeve, duke shtuar se UBT ka luajtur rol të rëndësishëm në zhvillimin e aftësive të saj si një arkitekthe.

“Në mënyrë specifike UBT, ishte institucioni që më ofroi njohuri e mundësi profesionale. Çdo moment i studimit në këtë institucion ka qenë përfitim për mua në drejtimin përkatës. Përfitimet janë të shumta në aspektin profesional”, ka thënë Muçiqi.

Ajo ka bërë të ditur që edhe studimet në nivelin master do t’i vazhdojë në UBT, kjo si rezultat i mundësive që ka ofruar ky institucion. Sipas saj, edukimi akademik në UBT, është i bazuar në standardet më të larta ndërkombëtare, andaj edhe punësimi i studentëve në kushtet e konkurrencës të ekonomisë së tregut, është më e lehtë qoftë në sektorin publik apo në atë privat.

Flamur Kadriu

Dija e fituar në UBT, çelës i suksesit në punë

Ish-studenti i UBT-së në Fakultetin e MBE-së, Flamur Kadriu, në një intervistë dhënë për Alumnin, vlerësoi se UBT është shtylla më e fortë, ku studentët mbështeten për të arritur suksesin e tyre.

Duke treguar për përvojën e tij të punës në Postën e Kosovës, ai vlerësoi se puna, angazhimi dhe bashkëpunimi janë qelës kryesor drejt arritjes së rezultateve pozitive.

Alumni: Si keni vendosur të studioni në UBT?

Kadriu: Gjatë shkollimit të mesëm gjithmonë i bëja pyetje vetes se çfarë duhet të bëj në të ardhmen, ku duhet vazhduar shkollimi dhe cili institucion i përmbush nevojat e mia, në mënyrë që shkollimi të jetë produktiv në hapat e karrierës.

Kështu, pas interesimit të vazhdueshëm nëpër institucione të ndryshme, erdhi koha të vizitoja edhe UBT-në, vend të cilin ma kishin propozuar shoqëria.

Pasi pash nga afërt punën që bëhej nga profesorët, asistentët dhe i gjithë stafi, u binda që UBT është vendi ku unë mund të vazhdoj shkollimin superior apo bachelor.

Alumni: A mund të ndani me ne ndonjë ngjarje të rëndësishme nga periudha e studimeve?

Kadriu: Mbi të gjitha ngjarjet dhe gjërat më të bukura, sa herë që flitet për UBT-në janë profesorët, të cilët ishin shumë të afërt me ne dhe nuk u kursyen në asnjë moment që tërë potencialin e tyre të përcillnin edhe tek ne.

Alumni: Sa keni përfituar nga programet e studimit në UBT?

Kadriu: Programet e studimit të cilat i ofron UBT kanë një vlerë të madhe, pasi që njohuritë e fituara kanë një mesazh të qartë se, studentët të cilët kanë përfunduar studimet në UBT, janë të hapur për tregun e punës, gjë e cila më ndodhi mua personalisht.

Alumni: A keni përfituar nga mundësitë që ofron UBT për udhëtime studimore, studime jashtë vendit përmes UBT-së, internship apo forma të tjera të angazhimit?

Kadriu: Personalisht, unë nuk e kam shfrytëzuar ndonjë mundësi për udhëtime studentore jashtë vendit apo diçka e ngjashme, ngase gjatë vijimit të studimeve, në të njëjtën kohë fillova edhe punën në Postën e Kosovës, gjë e cila ma pamundësonte largimin nga Kosova.


Alumni: Ju keni treguar rezultate shumë të mira gjatë studimeve. Si e keni arritur këtë?

Kadriu: Shpeshherë me vete përdori një thënie të vjetër: "Vetëm me punë arrihet çdo gjë", andaj krahas rezultateve të arritura, qëndron përkushtimi dhe puna intensive, të cilën e kam praktikuar vazhdimisht.

Alumni: A jeni duke punuar pas studimeve dhe ku?

Kadriu: Unë jam pjesë e Postës së Kosovës sh.a.

Alumni: Çfarë pune bëni?



Falënderim i veçantë për profesorët e UBT-së:

Flamur Kadriu

Kadriu: Ndërmarrja publike "Posta e Kosovës" sh.a., merret kryesisht me shitjen e produkteve dhe shërbimeve. Falë përkushtimit dhe angazhimit maksimal në pozitë paraprake, fillimisht si punëtor sporteli, pastaj në cilësinë e ushtruesit të detyrës së arkëtarit regional. Në bazë të performancës, kam treguar një menaxhim të suksesshëm dhe kam sjellë produktivitet në Regjionin e Prishtinës, gjithnjë duke u bazuar në vlerësimin nga Menaxhmenti Regional. Krahas kësaj, kam qenë përfaqësues i PK-së nëpër panairë të ndryshme, gjithnjë duke prezantuar dhe duke treguar një imazh të mirë për PK-në, si dhe gjatë kësaj kohe, në cilësinë e trajnuesit për sistemin e ri të Doganës së Kosovës, për zhdoganimin e dërgesave postare në gjitha regjionet e PK-së. Andaj, duke marrë parasysh përkushtimin, angazhimin dhe përvojat e ndryshme nga Menaxhmenti Regional, jam caktuar si Zyrtar Financiar për Regjionin e Prishtinës, që nga nëntori i vitit 2015.

Alumni: A jeni duke vazhduar studimet?

Kadriu: Pas përfundimit të studimeve bachelor, kam pauzuar për një kohë pasi që isha shumë i angazhuar me punë. Ndërkaq, gjatë këtij viti planifikoj të vazhdoj studimet master në UBT.

E ndjej të udhës t'i falënderoj të gjithë profesorët, të cilët ishin shumë të afërt me ne, por veçanërisht do të doja ta falënderoja profesorin Nazmi Zeqiri, i cili për mua është shtylla kryesore e suksesit tim, sepse ai ishte mbështetësi kryesor në etapat e studimeve, që me afërsinë e tij të pashembullt me studentë, përcillte nga vetja e tij çdo gjë që ishte e rëndësishme për ne.

Në 15-vjetorin e punës

UBT për 15 vjet ekzistimi e kishte në fokus Kosovën

“Gjatë këtyre 15 viteve, nuk kemi pasur asnjë koncentrim tjetër, përpos Kosovës dhe dëshirës së madhe për të qenë kontribuues në zhvillimin e vendit tonë”, tha rektori Hajrizi

Misioni dhe fokusi 15 vjeçar i UBT-së ka qenë Kosova, si në aspektin e plotësimit të nevojave dhe zbrazësive që e kanë lënë universitetet publike në fushën e edukimit e arsimit, ashtu edhe në përmbushjen e nevojave të industrisë dhe të tregut kosovar të punës. Ky konstatim ka dalë nga vetë themeluesi i UBT-së, prof. dr Edmond Hajrizi, në ceremoninë festive për nder të 15-vjetorit të themelimit të UBT-së, si dhe festave të fundvitit, të enjten.

“Gjatë këtyre 15 viteve, nuk kemi pasur asnjë koncentrim tjetër, përpos Kosovës dhe dëshirës së madhe për të qenë kontribuues në zhvillimin e vendit tonë”, ka vijuar rektori Hajrizi.

Duke folur për historikun e zhvillimit të UBT-së, ai tha se rrugëtimi drejt themelimit ka qenë i mbushur me vështirësi, sfida dhe suksese të vazhdueshme.

“Rruga jonë ka qenë e vështirë, sepse kemi nisur nga hiçi dhe kemi arritur që me sukses të rritemi dhe të zhvillohemi shëndetshëm, duke i mbledhur të mirat e arsimit botëror dhe duke i implementuar ato në institucionin tonë”, theksoi Hajrizi, për të shtuar se, “falë punës dhe angazhimit të vazhdueshëm, UBT është shndërruar në institucionin e parë arsimor në Ballkanin Perëndimor, që ka arritur nivelin e ekselencës”.

Tutje, rektori përmendi edhe sukseset e njëpasnjëshme të UBT-së, që nga koha e themelimit e deri më sot.

“UBT aktualisht numëron rreth 10 000 studentë aktivë, mbi 1000 njerëz, që si pjesë e stafit akademik, e kanë dhënë kontributin e tyre në rritjen e zhvillimin e këtij institucioni, si dhe mbi 250 marrëveshje me universitete dhe organizata ndërkombëtare”, potencoi Hajrizi, me çrast sipas tij, “e tërë kjo punë e



“UBT aktualisht numëron rreth 10 000 studentë aktivë, mbi 1000 njerëz, që si pjesë e stafit akademik, e kanë dhënë kontributin e tyre në rritjen e zhvillimin e këtij institucioni, si dhe mbi 250 marrëveshje me universitete dhe organizata ndërkombëtare. E tërë kjo punë e përbashkët ka bërë që 98% e të diplomuarve ta gjejnë veten në tregun e punës”.

përbashkët ka bërë që 98% e të diplomuarve ta gjejnë veten në tregun e punës”.

Për kontributin e dhënë në ngritjen e një institucioni të vlerësuar lart ndërkombëtarisht, stafi akademik i UBT-së, në shenjë falënderimi, ndau mirënjohje për rektorin Hajrizi. Ndërkaq, fill pas kësaj, rektori i nderoi me mirënjohje disa nga pjesëtarët e parë të stafit akademik, të cilët ndikuan në rritjen dhe ngritjen e cilësisë së UBT-së.

Duke folur për mirënjohjen e marrë, menaxheri i zyrës së financave në UBT, Selmon Berisha tha se njohja me rektorin Hajrizi dhe punësimi në UBT, ka bërë që jeta e tij të ndryshojë rrënjësisht.

“Jam shumë me fat që kam pasur mundësinë të jem pjesë e UBT-së dhe të japë kontributin tim në zhvillimin e këtij institucioni prestigjioz”, përfundoi Berisha.

Ceremonia u përmbyll me një koktej rasti, organizuar me qëllim të argëtimit të stafit akademik dhe të ftuarve të tjerë në këtë ngjarje, teksa të gjithë të pranishmit u shpërblyen me dhurata modeste.



Edhe një sukses ndërkombëtar i UBT-së

Kosova triumfon në Garën për Siguri kibernetike në Çeki

E përfaqësuar nga UBT-CERT, prof. dr Edmond Hajrizi, Atdhe Buja, Betim Gashi dhe Rexhep Berljajoli, Kosova ka triumfuar në Garën e Sigurisë kibernetike, të organizuar nga Agjencia Kombëtare për Siguri e Çekisë dhe Universiteti “Masaryk”, përkrahur edhe nga programi “TAIEX”, i Komisionit Evropian.

Gara kishte të bënte me mbrojtjen e infrastrukturës së simuluar kritike dhe me funksionimin normal të rrjetit hekurudhor në vendin X, me ç’rast në të njëjtën kohë, në mënyrë krejtësisht sekrete, ekipi sulmues “Red team”, me çdo kusht dhe mundësi tentonte ta largonte nga funksioni çdo shërbim, sistem e aplikacion, nga përdorimi online, si dhe ta marrë nën kontroll infrastrukturën, gjë të cilën nuk ka arritur ta bëjë përgjatë gjashtë orëve, sa edhe ka zgjatur gara.

Në këtë garë, pjesëmarrës ishin të gjitha vendet e rajonit dhe Ballkanit, por rezultate më të larta arritën UBT-CERT nga Kosova, ALCIRT nga Shqipëria dhe MKD-CIRT nga Maqedonia, të cilët, me anë të bashkëpunimit dhe punës ekipore, u treguan shumë profesionalë dhe të përgatitur



për mbrojtje ndaj sulmeve kibernetike, ndonëse gara nuk kishte për qëllim të identifikonte fitues.

Në fund të këtij aktiviteti, pjesëmarrësit u shpërblyen me certifikata nga NSA-ja çeke, për punën, profesionalizmin dhe angazhimin e treguar gjatë garës.

Flet Mentor Geci, koordinator i Qendrës së Kompetencës për Statistika, Analiza dhe Parashikim

UBT STATS, burim i rëndësishëm i statistikave në Kosovë

“Qëllimi i UBT STATS është të krijojë një bazë statistikore të të dhënave, për të ofruar informata statistikore të strukturuar dhe të krahasueshme në kohë, të cilat do të mund t’i referohen këtyre të të dhënave si burime të referencës, të organizuara në formë të qartë dhe lehtë të kuptueshme”, tha Geci

Statistikat janë burim i domosdoshëm informacioni për vendimmarrje, për këtë qëllim, në UBT funksionon Qendra e Kompetencës për Statistika, Analiza dhe Parashikim, e themeluar me qëllim të krijimit të bazës së të dhënave statistikore.

Duke treguar për arsyet e krijimit të qendre të tillë, koordinatori i UBT STATS, Mentor Geci tha se kjo qendër lindi si nevojë e pasjes së një baze të të dhënave, konsistent me praktikën statistikore ndërkombëtare, lehtësisht të konvertueshme për analiza kuantitative, ekonomike dhe për parashikime, por edhe me qëllim të krijimit të serive kohore.

“Qëllimi i UBT STATS është të krijojë një bazë statistikore të të dhënave, për të ofruar informata statistikore të strukturuar dhe të krahasueshme në kohë, të cilat do të mund t’i referohen këtyre të të dhënave si burime të referencës, të organizuara në formë të qartë dhe lehtë të kuptueshme”, tha Geci, duke shtuar se, “në UBT STATS realizohet përpunimi i të dhënave statistikore, si nga burimet e institucioneve të tjera, po ashtu edhe nga burimet vetanake të UBT-së”.

Burim i informatave lidhur me UBT STATS, sipas tij, janë institucionet publike në Kosovë.

“Në kontekst sektorial, deri më tani janë përpunuar statistikat e llogarive kombëtare, statistikat e llogarive qeveritare, anketa e fuqisë punëtore, anketa strukturore e ndërmarrjeve, indeksi i çmimeve të konsumit, indeksi i çmimeve të importit, indeksi i çmimeve të prodhimit,

statistikat e energjisë, hotelerisë, arsimit, si dhe statistikat e shëndetësisë”, tregoi Geci, i cili duke folur për punën e tanishme të kësaj qendre tha se, së fundmi është filluar edhe me përpunimin e statistikave në nivel individual, të institucioneve individuale.

“Tashmë është kryer sektori i telekomunikacionit që përfshin PKT-në, IPKO-n dhe Z-Mobile dhe jemi në fazën finale të validimit të statistikave të sektorit të sigurimeve që përfshin statistikat në nivel kompanive individuale”, tha ai, për të shtuar se “së shpejti do të finalizohet edhe do të publikohet sektori i bankave, i detajuar në nivel të çdo banke”.

Tutje, koordinatori Geci u shpreh se statistikat e prodhuara nga kjo qendër janë krijuar me ndihmën e studentëve të dalluar të UBT-së.

“UBT STATS është mundësi e shkëlqyeshme e kryerjes së praktikës (internship) për studentë, por marrë parasysh specifikat e punës në UBT STATS, kusht kyç i angazhimit të studentëve është që ata të jenë të dalluar në lëndët kuantitative”.

Përveç angazhimit në aspektin e kryerjes së praktikës, studentët e UBT-së kanë mundësi të përdorin statistikat e përpiluara nga UBT STATS në punimet e tyre hulumtuese. Gjatë këtij viti UBT STATS synon që të zhvillojë module të reja, vazhdimin e publikimeve të rregullta, përfshirjen e hulumtimeve të bëra nga konferencat dhe studentët, lidhur me temat e aktuara, përditësimin periodik të moduleve ekzistuese, promovimin e shërbimeve të UBT STATS etj.

UBT lider në shumë fusha studimi

Fakulteti i Shkencave Kompjuterike, lider rajonal për teknologji informative

“Në UBT ndodhet numri më i madh i studentëve të interesuar për studime në fushën e teknologjisë informative dhe kjo rritje ka ardhur gradualisht, falë angazhimit të stafit profesional, si dhe përkushtimit e talentit të studentëve tanë”

Fakulteti i Shkencave Kompjuterike dhe Inxhinierisë në UBT, çdo vit tërheq qindra të rinj, të pasionuar pas shkencës dhe inovacionit, duke u bërë kështu shkolla më e madhe e teknologjisë informative në rajon, falë ofrimit të kushteve dhe nivelit të profesorëve të këtij drejtimi.

Menaxheri i Programit të Fakultetit të Shkencave Kompjuterike dhe Inxhinierisë (SHKI), njëherësh ligjërues në këtë fakultet, Blerton Abazi tha se fakulteti është lider në rajon për mësimin që ofron, si dhe për punësimin e studentëve, të cilët dalin të diplomuar nga ky drejtim.

“Në UBT ndodhet numri më i madh i studentëve të interesuar për studime në fushën e teknologjisë informative dhe kjo rritje ka ardhur gradualisht, falë angazhimit të stafit profesional, si dhe përkushtimit e talentit të studentëve tanë”, vlerësoi Abazi, për të shtuar se “e tërë kjo punë shpërblehet kur produktet tona sistemohen dhe japin kontribut në vendet e tyre të punës”.

Duke folur për mënyrën e funksionimit të këtij drejtimi, ai tregoi se këtë fakultet e bënë të veçantë niveli i profesorëve dhe ndërlidhja e metodave më të reja të edukimit dhe aplikimit të industrisë.

“Fakulteti i Shkencave kompjuterike dhe Inxhinierisë e veçon fakti se kemi stafin akademik më cilësor, të cilët u dhurojnë studentëve përvojën e tyre të marrë nga industria, por mbi të gjitha, në këtë drejtim ndërlidhet industria dhe edukimi, me ç’rast studentët marrin njohuri nga trendët e fundit të zhvillimit të teknologjisë, përmes vizitave studimore në terren”, tha Abazi.

Duke qenë se UBT i kushton rëndësi të madhe aspektit të zhvillimit teknologjik, menaxheri Abazi theksoi se ky

institucion është ihtar i të qenit në hap me kohën dhe me trendët ndërkombëtarë të zhvillimit teknologjik.

“Labororët e UBT-së janë të pajisur me mjetet më të sofistikuar të kohës, që mundësojnë kryerjen e ushtrimeve praktike më cilësi të lartë dhe të cilat, më pas aplikohen edhe në ambientet e punës nga studentët tanë, gjë që i shtyn studentët tanë ta duan edhe më tepër këtë profesion”, tha ai, për të shtuar se të rinjtë e interesuar për këtë fushë, janë inkurajuar nga organizimet dhe të arriturat e këtij drejtimi.

“Mbi 90% e të diplomuarve në këtë drejtim janë sistemuar menjëherë nëpër vende të punës, kurse mbi 1500 të rinj, aktualisht janë duke i ndjekur studimet, sepse sukseset e studentëve tanë kanë qenë pasqyrimi më i mirë i punës sonë përgjatë këtyre viteve të ekzistimit”.

Krahas ofrimit të studimeve në një nivel të lartë akademik, pjesë e SHKI-së janë edhe disa akademi dhe qendra mbështetëse.

“Në kuadër të Fakultetit të SHKI-së funksionon Qendra për Zhvillim Softuerik, si dhe Akademia Ekzekutive për Zhvillim Profesional e UBT-së, si pjesë e të cilave studentët tanë marrin mbi 198 certifikime ndërkombëtare në fushën e teknologjisë informative dhe të komunikimit”, tregoi Abazi, për të shtuar se “zhvillimi i hovshëm ndërlidhet edhe me krijimin e bashkëpunimit me partnerë të shumtë akademik, duke përfshirë Cisco-n, Comptia, Android ATC, Microsoft, C++ Institute, ECDL, SAP etj”.

Sipas Abazit, suksesi i studentëve të këtij drejtimi është treguesi më i mirë për nivelin dhe seriozitetin e UBT-së.

Suksesi i studentit të SHKI

Tema master e studentit të UBT-së, Exhevit Ymeri, zbatohet edhe në praktikë

Studenti i Shkencave Kompjuterike në UBT, Exhevit Ymeri, ka mbrojtur titullin master, tema: “Sinkronizimi dhe disponueshmëria e lartë e të dhënave duke përdorë teknologjinë: SQL Server 2012 Always ON”. Tema është mbrojtur para Komisionit: prof.dr Zhilbert Tafa, prof.dr. Bertan Karahoda dhe prof. dr. Ramiz Hoxha, ndërsa atë e përcollën studentët, profesorët, prindërit e të interesuar të tjerë.

Punimi i Ymerit është paksa më i veçantë, pasi që ka gjetur sistemim në praktikë. Si punim, tashmë është implementuar nëpër institucione të ndryshme ndërkombëtare në Kosovë.

Kjo për faktin se me këtë temë trajtohet eliminimi i ndërprerjeve të komunikimit të softuerit apo aplikacioneve të ndryshme gjatë përdorimit.

Sipas Ymerit, shfrytëzuesit, si rezultat i këtij hulumtimi, nuk e hetojnë ndërprerjen e energjisë, gjë kjo që ndihmon shumë që aplikacionet të mos ndalen si rezultat i bllokimeve të sistemit, të rrymës, të ngarkesave apo prishjeve kompjuerike.



Punimi i Ymerit tashmë është implementuar nëpër institucione të ndryshme ndërkombëtare në Kosovë

Çmimi vjetor i UBT-së

UBT e nderon me Çmimin “Excellence Leadership Award”, Driton Kukën

“Ky çmim i ndarë nga UBT për mua, në mesin e shumë mirënjohjeve dhe titujve evropianë, është specifik, sepse po dhurohet nga një tempull i dijes, që gëzon kredibilitet të lartë në vend, por edhe sepse është dhuruar nga njerëz që e vlerësojnë punën e atyre që e meritojnë”, vlerësoi Kuka

Çmimi më i lartë i UBT-së “Excellence Leadership Award”, sivjet i është dhënë selektorit të reprezentacionit të xhudos së Kosovës, Driton Kuka.

Atë ia ka dhënë rektori i UBT-së, prof. dr Edmond Hajrizi, sipas të cilit UBT në vazhdimësi i vlerëson atributet e njerëzve dhe i promovon ata si vlerë dhe si shembull që duhet ndjekur.

Kuka u nderua për kontributin e dhënë në përfaqësimin, njohjen dhe sukseset e sportit të xhudos në arenën ndërkombëtare.

“Çmimi i zhvilluar nga UBT nderon dhe shpërblen personalitetet, të cilët përmes punës dhe përpjekjeve të tyre, shndërrohen në shembuj dhe modele për të rinjtë”, theksoi Hajrizi, teksa jepte çmimin.

Duke e falënderuar UBT-në për vlerësimin, Driton Kuka tha se ky Çmim është i një rëndësie të veçantë për faktin se sipas tij, ky institucion është një tempull i dijes, që gëzon reputacion ndër qytetarë.

“Ky çmim i ndarë nga UBT për mua, në mesin e shumë mirënjohjeve dhe titujve evropianë, është specifik, sepse po dhurohet nga një tempull i dijes, që gëzon kredibilitet të lartë në vend, por edhe sepse është dhuruar nga njerëz që e vlerësojnë punën e atyre që e meritojnë”, vlerësoi Kuka.

Gjatë kësaj ceremonie, UBT ndau bursa dhe i shpërbleu me mirënjohje mbi 100 studentë të dalluar të këtij institucioni, të cilët kanë arritur nota të larta me punë dhe angazhim të vazhdueshëm.

“Ne jemi krenarë me atë që studentët tanë po arrijnë, e në veçanti me studentët e dalluar”, tha rektori, i cili duke shpjeguar qëllimin e bursave, shtoi se përmes bursave “po



Në fund të këtij organizimi, u promovua edhe monografia e 15-vjetorit të themelimit të UBT-së, si përmbledhje e punës dhe të arriturve të këtij institucioni gjatë kësaj periudhe kohore

mundohemi t'i motivojmë, t'i ndihmojmë në aspektin financiar, por edhe t'i promovojmë studentët tanë të dalluar”, përfundoi ai.

Në fund të këtij organizimi, u promovua edhe monografia e 15-vjetorit të themelimit të UBT-së, si përmbledhje e punës dhe të arriturve të këtij institucioni gjatë kësaj periudhe kohore.

“Përmes këtij libri kemi menduar të prezantojmë angazhimin, faktet, zhvillimin dhe ndikimin e UBT-së në zhvillimin dhe njohjen e Kosovës në arenën ndërkombëtare”, theksoi Hajrizi, teksa e prezantoi librin për të pranishmit.

Për nder të Ditës së Pavarësisë

UBT u dhuron bursa mbi 100 studentëve

UBT-ja, si institucion i arsimit të lartë privat në Kosovë, ka vendosur që përvjetorin e nëntë të shpalljes së pavarësisë ta shënojë duke ndihmuar studentët me bursa dhe duke nderuar personalitetet më të shquara të vendit.

Kështu, për nder të 17 Shkurtit – Ditës së Pavarësisë së Kosovës, mbi 100 studentë të UBT-së u shpërblyen me 20 % zbritje për vitin akademik 2016/2017.

Studentët u vlerësuan në bazë të notës mesatare, kryerjes së provimeve në afat të rregullt, aktiviteteve studentore e të komunitetit, disiplinës, moralit të lartë akademik e shkencor etj.

Rektori i UBT-së, prof. dr Edmond Hajrizi theksoi se ndarja e bursave për studentë të dalluar tani më është bërë traditë në UBT, por tani shpallja e studentëve të dalluar do të bëhet tradicionale, saktësisht për nder të Ditës së Pavarësisë së Kosovës. Ai shton se qëllimi i shpalljes së studentëve të dalluar është motivimi i tyre.

“Motivimi i studentëve për të vazhduar me suksesin e shkëlqyer, si dhe dhënia e kontributit në krijimin e gjeneratave të reja kontribuon edhe në përmirësimin e jetesës së qytetarëve në Kosovë në përgjithësi, por edhe cilësisë në studime në veçanti”, tha rektori Hajrizi.

Me rastin e Ditës së Pavarësisë së Kosovës

UBT ndihmon në zbulimin e bulevardit “Bill Klinton”

Rektori i UBT-së, prof. dr Edmond Hajrizi tha se qëllimi i institucionit të cilin ai e drejton, është që të nderoj dhe të kujtoj kontributin e njerëzve dhe shteteve që ndikuan në pavarësimin e Kosovës.

“Krahas ndihmës së ofruar në përgatitjen profesionale të gjeneratave të reja, që potencialisht janë e ardhmja e vendit tonë dhe anëtarësimi i Kosovës në shumë organizata ndërkombëtare, synim i vazhdueshëm për ne është kujtimi dhe nderimi i të gjitha figurave dhe shteteve, që sollën frymën e lirisë në vendin tonë”, tha Hajrizi, duke përmendur kontributin e madh dhe të pazëvendësueshëm të SHBA-ve.

“Falë mbështetjes së SHBA-ve, ne e kemi fituar pavarësinë dhe e njëjta po vazhdon edhe sot, kur ne po e ndërtojmë shtetin tonë”, përfundoi Hajrizi.

Fotoreportazh





Grupi Iniciativ Alpbach Kosova

“IG Alpbach Kosovo” njoftoi studentët për mundësinë e fitimit të bursave

Udhëheqësi i kësaj organizate, Shkumbin Asllani tha se qëllimi i forumit “Alpbach” është që të mbledhë të rinj entuziastë dhe inovativë nga vende të ndryshme të botës, për të ndarë mes vete ide, qëllime, eksperiencë dhe probleme të ndryshme, me të cilat përballen shtetet prej nga vijnë

Organizata “IG Alpbach Kosovo” (Grupi Iniciativ Alpbach Kosova), të hënën mbajti sesion informues për studentët e UBT-së, me qëllim të informimit dhe të njoftimit të tyre me mundësitë e përfitimit të bursave, për pjesëmarrje në Forumin Evropian “Alpbach”, që do të mbahet më 16 gusht - 1 shtator, në Austri.

Udhëheqësi i kësaj organizate, Shkumbin Asllani tha se qëllimi i forumit “Alpbach” është që të mbledhë të rinj entuziastë dhe inovativë nga vende të ndryshme të botës, për të ndarë mes vete ide, qëllime, eksperiencë dhe probleme të ndryshme, me të cilat përballen shtetet prej nga vijnë.

“Pjesëmarrja në këtë forum është mundësi e mirë për të rinjtë, të cilët duan të kontribuojnë në shoqëri dhe të jenë pjesë aktive e saj, është vend për adresimin e ideve dhe problemeve, me të cilat përballen vendet e ndryshme të botës, por edhe të marrin dhe të ndajnë përvoja me njerëz të ndryshëm nga e tërë bota”, theksoi ai.

Tutje, Asllani i informoi studentët për mënyrën e aplikimit, si dhe për kushtet që duhet plotësuar për përfitimin e

bursave, që i ndanë organizata, të cilën ai e udhëheq.

“Dërgimi i CV-së, letra motivuese, përzgjedhja e seminareve, në të cilat dëshironi të merrni pjesë, pastaj transkripta e notave, njohuri të gjuhës angleze dhe plotësimi i formularit për aplikim, janë kushtet që duhet t’i përmbushë secili student, që dëshiron të jetë përfitues i bursës”, tregoi ai, teksa shtoi se ky organizim është epiqendër e diskutimeve dhe investimeve të Bashkimit Evropian.

Forumit Evropian “Alpbach”, çdo vit mbledh mbi 5000 të rinj dhe njerëz me ndikim, duke përfshirë, politikanë, udhëheqës, gjyqtarë etj., nga më shumë se 50 vende të ndryshme të botës, teksa tema e diskutimit do të jetë “Konflikti dhe bashkëpunimi”, kurse për studentët që duan të jenë pjesë, ndahen rreth 700 bursa për pjesëmarrje.

UBT ka marrëveshje bashkëpunimi me organizatën “IG Alpbach Kosova”, pjesë e rrjetit të organizatave të Forumit Evropian “Alpbach”, teksa në vitin e kaluar, këtë bursë e kanë fituar 3 studente të UBT-së.

Kujdesi për studentët në UBT

Zyra për Çështje Studentore lehtëson shërbimet për studentët

“Sektori ynë është themeluar tash e 15 vjet dhe është rritur së bashku me UBT-në. Ka filluar me një person, kurse tash jemi gjithsej 17 persona, duke i përfshirë edhe ata që funksionojnë dhe punojnë nëpër degët e UBT-së në qytetet e tjera”, tha Menaxheri i ZQS-së në UBT, Murat Retkoceri, alumni i UBT-së

Me qëllim të përkrahjes, ofrimit të ndihmës dhe orientimit të studentëve, në UBT është themeluar Zyra për Çështje Studentore dhe IT, në mënyrë që studentët të jenë të përkrahur gjatë tërë procesit të studimeve në këtë institucion.

Menaxheri i ZQS-së në UBT, Murat Retkoceri vlerësoi se pasuria më e madhe janë studentët, prandaj sipas tij, UBT po mundohet vazhdimisht të krijojë lehtësi për ta.

“Qëllimi ynë është që t’i përkrahim dhe t’i ndihmojmë studentët tanë gjatë tërë procesit të studimeve, por edhe pas tyre”, tha ai, teksa përmendi fazat nëpër të cilat kalon puna e kësaj zyre.

“Puna jonë ndahet në tri faza, të cilat përfshijnë periudhën e regjistrimit të të rinjve, pastaj është faza e kryerjes së punëve gjatë vijimit të ligjëratave, si dhe ajo që kryhet gjatë procesit të diplomimit”.

Duke treguar për historikun e themelimit të kësaj zyre, Retkoceri theksoi se puna filloi me një njeri të vetëm, teksa sipas tij, me rritjen e numrit të studentëve, u shtua edhe nevoja për të rritur stafin administrativ.

“Sektori ynë është themeluar tash e 15 vjet dhe është rritur së bashku me UBT-në. Ka filluar me një person, kurse tash jemi gjithsej 17 persona, duke i përfshirë edhe ata që funksionojnë dhe punojnë nëpër degët e UBT-së në qytetet e tjera”, tha ai.

Me rritjen e numrit të studentëve, është ngritur edhe nevoja për evoluimin dhe gjenerimin e punëve që kryhen në kuadër të ZQS-së, si rezultat i kësaj, Retkoceri vlerësoi se UBT ka shënuar progres të madh në përmirësimin e shër-

bimeve që i ofrohen studentëve.

“Suksesi më i madh i UBT-së është se studentët nuk kanë nevojë të presin në radhë për dokumente, por u ofrojmë shërbime të menjëhershme, me ç’rast në këtë aspekt janë përmirësuar edhe platformat elektronike SMIS dhe Moodle, ku studentët i paraqesin provimet dhe e pranojnë vlerësimin e punës së tyre nga distanca, përkatësisht ata pajisjen me material akademik, të nevojshëm që lëndët përkatëse”, tregoi ai, duke shtuar se ky proces i ndryshimit të funksionimit, po u shërben për të mirë edhe profesorëve. “Këtë vit kemi lansuar modulën e profesorëve për shkarkime të procesverbaleve dhe për vendosjen e notave, gjatë një periudhe kohore, të caktuar nga Zyra për Çështje Studentore, proces ky që krijon lehtësi për profesorët, sa i përket mënyrës së vlerësimit”.

Zyra për Çështje Studentore dhe IT e UBT-së, sivjet ka shënuar 15 vjetorin e funksionimit, teksa në kuadër të saj ofrohen shërbime që kanë të bëjnë me informimin e studentëve me drejtimet e UBT-së, me mundësitë që ofrohen në to, pastaj merren me pajisjen e studentëve me ID kartela, me njoftimet për orarin e mësimin, bëjnë hapjen e afatit të provimeve në sistem, njoftimin e studentëve për afatin dhe datat e provimeve, pajisjen e studentëve me dokumente të ndryshme, në varësi të kërkesave të tyre, pastaj me pranimin e kërkesave të studentëve për mbrojtjen e temave të diplomës, si dhe me krijimin e formularit mbi përshtypjet e studentëve për UBT-në, marrjen e informatave prej ish-studentëve, lidhur me sistemimin e tyre nëpër vende të punës etj.



UBT Executive Academy for Professional Development

your Long Life Learning partner...



Akademia Ekzekutive për Zhvillim Profesional në kuadër të Kolegjit UBT-së ka si qëllim ofrimin e mundësive tek studentët dhe personat e tjerë për ngritjen e kapaciteteve të tyre profesionale në fushat e Teknologjisë Informative dhe të Komunikimit, Menaxhimit të Projekteve, Burimeve e njerëzore etj. Akademia për Zhvillim Profesional është qendra më e avancuar për ofrimin e trajnimeve profesionale dhe e pajisur me të gjitha pajisjet e nevojshme për realizimin e trajnimeve dhe certifikimeve me sukses. Laboratorët e Teknologjisë Informative në kuadër të Akademisë ofrojnë mundësinë e kryerjes së detyrave praktike me pajisjet e fundit dhe më bashkëkohore të Teknologjisë Informative dhe të komunikimit. Sallat e trajnimeve janë të pajisuara me të gjitha elementet që mundësojnë organizimin e trajnimeve atraktive të kuptueshme si dhe mundësinë e diskutimeve të përbashkëta.

Teknologji Informative dhe Komunikim CISCO Networking Academy

- IT Essentials: PC Hardware and Software
- CCNA 1: Introduction to Networks
- CCNA 2: Routing and Switching Essentials
- CCNA 3: Scaling Networks
- CCNA 4: Connecting Networks
- Cisco: Introduction to Cyber Security

European Computer Driving License (ECDL)

Software Engineering

Programming Languages

- Visual Basic, C#, MVC
- Web Programming (PHP and MySQL)
- Database Programming (MS SQL, Oracle)

Web Development Trainings

- Wordpress Training
- Joomla Training
- E-commerce and SEO Development
- Prestashop, Drupal etj
- HTML5 and CSS
- C# and MS SQL
- Mobile APP Development

Microsoft Windows Server 2012

- Installing and Configuring Win Server 2012
- Active Directory and Domain Controller Win Server 2012
- Microsoft Exchange Server 2012

Computing Simulation

Computer Design and Animation

Customer Relationship Management (CRM)

Enterprise Resource Planning (ERP)

Models, Optimization and Simulation

Menaxhim

- Menaxhimi i Burimeve Njerëzore
- Administrim Biznesi
- Menaxhimi i Kualitetit
- (ISO 9001:2000)
- Menaxhimi Strategjik
- Ngritja (Themelimi) e ndërmarrjes
- Menaxhimi i Produktit
- Ndërtimi i Brendit
- Inxhinieringu Industrial
- Menaxhimi i Projekteve
- Menaxhimi i Proceseve
- Menaxhimi i Zinxhirit të Furnizimit
- E-Biznes
- Transport dhe Logjistikë
- Sisteme Fleksibile të Prodhimit
- Prodhimi mbështetës

- Prodhim, Planifikim dhe Skedulim
- Menaxhimi i Ndryshimeve
- Menaxhimi i Rrezikut
- Menaxhimi i Ankesave
- Menaxhimi i Kohës
- Ndërmarrësi dhe Biznis plan
- Menaxhimi i Sistemeve Informative
- Prokurimi
- Menaxhimi i Konfliktit
- Përgjegjësia Sociale e Korporatës
- Menaxhimi i Ngjarjeve
- Sistemet HACCP
- Fuzionimi dhe Bashkimi
- Planifikimi i resurseve të manufakturës
- Planifikimi i Materialeve të Kërkueshme(MRP)
- Shkathësi negociimi
- Menaxhmenti i Logjistikës

Financa

- Raportim Financiar i Korporatës
- Tregtia e Jashtme/Doganat
- Analiza e Kostove
- Kontabilitet dhe Menaxhimi Financiare
- Vendimmarrja Financiare
- Institucionet Financiar edhe Tregjet

Marketing dhe Shitje:

- Marketing dhe Shitje
- Planifikimi i Burimeve të Shpërndarjes
- Mjetet e IT për Marketing
- Menaxhimi i Lojalitetit
- Merchandising
- Modeli i Optimizimit të çmimeve
- Zhvillimi i Produkteve dhe Brendimi
- Menaxhimi i Shitjes
- Shitja Efikase dhe Teknikat e Shitjes
- Menaxhimi i Ankesave të Konsumatorëve

Shkathësi kryesore të këshillimit:

- Menaxhimi Personal
- Komunikimi
- Punë të suksesshme grupore
- Grupimi dhe Krijimi i Grupeve
- Periudizimi
- Kodi i Etikës së Këshilltarit
- Zgjidhja e Konfliktit
- Negocimi i Kontratës
- Menaxhimi i Marrëdhënieve me Klientët
- Shërbime Këshillimi për Marketing
- Menaxhimi i Proceseve Këshilluese

Gjuhët e huaja:

- Gjuhë angleze
- Gjuhë gjermane
- Gjuhë frënge

Vërejtje e rëndësishme: Gjuhët e huaja, varësisht prej kërkesave të grupit në fokus, mund të mbahen edhe në bazë të kërkesave specifike të grupit për mësimin e terminologjive të ndryshme profesionale për gjuhët përkatëse.

Drejtimi, Shkenca Politike dhe Diplomaci:

- Teknika Negocimi
- Zgjidhja e Konfliktëve
- Aqum Comunitare e Bashkimit Evropian
- Institucionet e Bashkimit Evropian
- Komunikimi Masiv
- Shkathësi Diplomatike
- State Protocol

Mekatronikë dhe Teknologji të tjera

- Mekatronikë(Pneumatikë, Elektro - Pneumatikë, E-Teknika/Programmable Logic Controllers (PLC), Hidraulikë, Elektro-Hidraulikë, Sistemet e Kontrollit Hidraulik, Sensorët
- Design Assembly & Mirëmbajtja e Sistemeve Mekatronike
- CAx-Teknologjitë(CAD/CAM,
- CAQ, CAP dhe CA të tjera)
- CNC - Teknikat
- Robotikë
- Teknikat e Punës/Organizimi Punës
- Mbrojtja e Mjedisit

Arkitekturë dhe Planifikim Hapësinor

- Menaxhimi i Projekteve Konstruktuese
- Projektim AUTOCAD dhe ARCHICAD
- Materiale Konstruktuese dhe Kontroll Kualiteti
- Menaxhim Urban
- Certifikim për Kualitet
- Marketing në Arkitekturë

Akademia Profesional e Kolegjit UBT trajnimet i organizon në qendra të ndryshme të Kosovës si në: Prishtinë, Kampusi Inovativ në Lipjan, Prizren dhe Ferizaj.

Trajnimet profesionale në disiplinat e lart cekura ofrohen në periudha të ndryshme, në bazë të kërkesës së individëve, institucioneve, kompanive dhe korporatave të ndryshme. Një grup profesionistësh vendor dhe ndërkombëtarë, me përgatitje akademike superior dhe përvojë të suksesshme, janë në dispozicionin tuaj për t'ju ofruar një listë të gjerë trajnimesh për një karrierë profesionale të avancuar dhe për sukses të padiskutueshëm të ndërmarrjes apo institucionit tuaj.

Për informata shtesë ne lidhur me trajnimet ju lutem na kontaktoni në:

Akademia Ekzekutive për Zhvillim Profesional

Adresa: Lagjia KALABRIA p.n. 10000 Prishtinë, Kosovë
Tel: +381 38 541 400 ext. 111
Email: ictacademy@ubt-uni.net
Website: http://academy.ubt-uni.net

Dekani i Arkitekturës flet për ekspozitën “Modernizimi i Ferizajt 1960-1990”

Studentët e Arkitekturës në UBT po e dëshmojnë veten si profesionistë

Në javën e arkitekturës, në të cilën janë konkurrentë shumë studentë nga gjithë Kosova, studenti ynë ka marrë vendin e parë. Kjo na bën më të fuqishëm, duke e ditur që shkollën e kemi vendosur në një rrugë e cila reflekton te studentët dhe përmes tyre në sukseset që i ka në studentët”, tha dekani dr. Lulzim Beqiri

Dekani i degës së Arkitekturës dhe Planifikimit Hapësinor në UBT, prof. dr Lulzim Beqiri në emisionin e përjavshëm “Agora”, në Radio Kampus ka folur lidhur me ekspozitën “Modernizimi i Ferizajt 1960-1990”, në të cilën janë paraqitur punimet e përbashkëta të profesorëve dhe të studentëve të Arkitekturës dhe Planifikimit Hapësinor në UBT, dega në Ferizaj.

Prof.dr. Beqiri tha se në ekspozitë është prezantuar puna e arkitektëve, përmes maketeve, posterëve, broshurave, videove dhe fotografive, të cilat shfaqën vlerat e arkitekturës së Ferizajt në një periudhë 40 vjeçare. Ai gjithashtu tha se këto informacione do të shërbejnë qytetarëve si letërnjoftim i objekteve të cilët gjenden në qytetin e tyre.


Z.Beqiri tha se ekspozita të tilla planifikohet të prezantohen në shumë komuna . Ai gjithashtu tha se është vetëm fillimi i modernizimit të komunave.

“Edhe pse është shumë sfiduese por prapa nesh është një ushtri e tërë e studentëve të cilët po punojnë dhe kanë potencial. Duke parë përvojën e studentëve të cilët janë shumë entuziastë nuk dyshojë që do të kemi suksese në këtë aspekt”, tha dekani Beqiri.

Dekani gjithashtu tregoi për sukseset e shumta që po e karakterizojnë departamentin e arkitekturës në UBT.

“Studentët tanë janë duke e dëshmuar veten, qoftë brenda apo jashtë vendit. Në javën e arkitekturës, në të cilën janë konkurrentë shumë studentë nga gjithë Kosova, studenti ynë ka marrë vendin e parë. Kjo na bën më të fuqishëm, duke e ditur që shkollën e kemi vendosur në një rrugë e cila reflekton te studentët dhe përmes tyre në sukseset që i ka në studentët”, tha dekani Beqiri.

Ai shtoi se studentët tanë që i kemi në mastar nëpër shumicën e shteteve të Evropës janë pranuar pa telashe.



“Studenti ynë është profesionalisht mjaft i përgatitur me bazën që merr nga UBT dhe është konkurrent edhe në aspektin rajonal e evropian. Kjo na inkurajon që të jemi më tepër entuziastë në harmonizimin e veprimeve tona në zhvillim e shkollës pikërisht me pas sukses për Kosovën”, tha ndër të tjera Beqiri.

Studentja e UBT-së jep ide dhe projektin shtëpi strehimi për të moshuarit



Klodina Krasniqi është ish-studente e UBT-së, e cila sapo ka përfunduar suksesshëm studimet themelore në fakultetin e Arkitekturës.

Së fundmi, Krasniqi ka mbrojtur edhe temën e diplomës, në të cilën ka trajtuar e dizajnuar projektin e titulluar “Shtëpi për pleq”.

Qytetit të Gjilanit i mungon një shtëpi e tillë, andaj, duke qenë kështu, ajo ka bërë edhe analizat e lokacionit, si dhe ka projektuar shtëpinë me përmasa të mëdha dhe me standarde moderne evropiane.

Duke folur për rëndësinë e jetësimit të projektit të saj, Krasniqi ka thënë se ky projekt i ka munguar Gjilanit dhe Anamoravës në përgjithësi, prandaj, sipas saj, qëllimi ka qenë që, një objekt i tillë të jetësohet e të marrë formën e duhur.

“E mirë materiale dhe hapësinore e Shtëpisë për pleq është fakti që, nuk ka nevojë të ndërtohen hapësira të veçanta për trajtime mjekësore, mirëpo vetëm të transferohen në repartet përkatëse të Qendrës spitalore të Gjilanit”, ka thënë Krasniqi. Sipas saj, synimi kryesor i këtij projekti ka qenë që personat në moshë të shtyrë, të sistemohen në një shtëpi që i plotëson të gjitha kushtet, duke qenë se një objekt i tillë nuk është funksional në Gjilan.

Fiona Haxhiu

Nga UBT në “Interior Painting and Design Corporation”



Në master, në ndonjërin prej universiteteve të njohura ndërkombëtare, me të cilat UBT ka marrëveshje: Fiona Haxhiu

Ish-studentja e MBE-së në UBT, Fiona Haxhiu është duke punuar në kompaninë e njohur “Interior Painting and Design Corporation”, në cilësinë e kontabilistes së brendshme dhe financieres së kësaj kompanie, konkretisht përgjegjësia e saj përfshinë menaxhimin e të gjitha llogarive të kontabilitetit, si dhe menaxhimin financiar të kompanisë.

Haxhiu tha se falë përkushtimit të profesorëve, asaj i janë hapur mundësitë për t'u sistemuar në vendin e saj të punës.

“Falë përkushtimit të profesorëve të UBT-së, si dhe falë ligjërimit teorik e punës praktike, kam dalë nga aty e kompletuar dhe e gatshme për të punuar në profesionin tim”, theksoi ajo.

Menjëherë pas përfundimit të studimeve bachelor, Haxhiu është bërë pjesë e SCAAK (Shoqata e Kontabilistëve të Certifikuar dhe Auditorëve të Kosovës), ku po i ndjek ligjëratat për Teknikë të Kontabilitetit, teksa pretendon që studimet t'i vazhdojë në ndonjërin prej universiteteve të njohura ndërkombëtare, me të cilat UBT ka marrëveshje.

Florim Maloku

Të diplomuarit në UBT priten me krah të hapur në tregun e punës

Ish-studenti i Arkitekturës në UBT, Florim Maloku është punësuar në një byro projektuese, menjëherë pas përfundimit të studimeve themelore.


Projektimi, mbikëqyrja dhe realizimi i punimeve të objekteve afariste, banesore, shoqërore etj., janë vetëm disa nga punët që ai i kryen në byronë “VIArchitects”, në qytetin e Vushtrrisë.

Maloku tha se sukseset e tij janë fryt i bashkëpunimit dhe angazhimit të përbashkët të studentëve dhe profesorëve të UBT-së.

“Profesorët tanë na kanë ndihmuar në forma të ndryshme, madje duke qëndruar edhe pas orarit të tyre të punës, vetëm që ne të arrijmë rezultatet e dëshiruara”, theksoi ai. Në mesin e shumë kujtimeve dhe përvojave të fituara gjatë viteve të studimit në UBT, për Malokun, më e veçanta mbetet vizita e realizuar në shtetin e Austrisë.

“Përvoja më e mirë mbetet vizita studimore në Vjenë, me

ç’rast patëm vizituar shumë ndërtesa të bukura dhe interesante arkitektonike, të arkitekteve të famshëm botërorë, si dhe vizita në Universitetin Teknik të Vjenës”. Pas mësimave praktike dhe përvojës profesionale të marrë në vendin e tij të punës, Florim Maloku synon që të vazhdojë studimet e nivelit master në UBT.



“Përvoja më e mirë mbetet vizita studimore në Vjenë, me ç’rast patëm vizituar shumë ndërtesa të bukura dhe interesante arkitektonike, të arkitekteve të famshëm botërorë, si dhe vizita në Universitetin Teknik të Vjenës”: Florim Maloku

Hana Qerimi

Studentja ambicioze e UBT-së, ndërmarrëse e suksesshme

Hana Qerimi është studente e UBT-së, e cila ka përfunduar suksesshëm studimet themelore në fakultetin për Menaxhim Biznesi dhe Administrim. Në kohën e studimeve në UBT, ajo ka punuar fillimisht në kompaninë “3CIS”, ku ka menaxhuar projekte dhe programe globale për afër 6 vjet.

Ajo sot është një nga ndërmarrëset e reja në tregun e biznesit në Kosovë. Rreth dy vjet më parë, Hana ka hapur “Shkollën Digjitale”, që është institucion i akredituar nga Autoriteti Kombëtar i Kualifikimeve, si dhe është shkolla e parë e hapur në Prishtinë dhe Ferizaj, ku ofron kurse të teknologjisë informative për fëmijët e moshave të reja dhe që mbledh rreth 600 nxënës.

Sipas saj, planprogrami me të cilin funksionon kjo shkollë, është planprogram i përpiluar nga organizata “Code” si dhe “Massachusetts Institute of Technology”, në Shtetet e Bashkuara të Amerikës. Ajo theksoi se mbështetje të mirë dhe të vazhdueshme, kanë edhe nga korporatat si Microsoft dhe Google.

“Është planprogram i dedikuar për mësimin e fëmijëve, i cili i plotëson të gjitha standardet e nevojshme, është inkuadruar si planprogram i rregullt në shkollat fillore të Amerikës dhe Britanisë së Madhe. Pas përfundimit të leksioneve teorike e praktike, në fund fëmijët certifikohen me titullin Junior Programmer”, ka bërë të ditur ajo.

Tutje ajo shtoi se nevoja për hapjen e kësaj shkolle, ka ardhur si rrjedhojë e mungesës së një planprogrami të tillë në shkollat fillore të Kosovës.

“Gjatë këtyre niveleve fëmijët mësojnë konceptet bazë të programimit dhe njohuri të përgjithshme të teknologjisë informative. Fëmijët mësojnë logjikën e koncepteve të programimit, si algoritmet, programet, ndërtimin e robotëve, aplikacioneve mobile, elektronike”, ka thënë ajo.

Derisa qëllimi kryesor i kësaj shkolle është zhvillimi i gjeneratave të reja në fushën e teknologjisë informative, si dhe zhvillimi i programeve teknologjike.



Suksesi i studentit në Fakultetin e Shkencave kompjuterike dhe Inxhinierisë

Granit Peja, i punësuar në një kompani amerikane


Granit Peja, student i nivelit master, në Fakultetin e Shkencave kompjuterike dhe Inxhinierisë, pas përfundimit të studimeve bachelor, është punësuar në cilësinë e zhvilluesit të ueb aplikacioneve, në kompaninë e njohur amerikane “The Social Plus”, punë të cilën e kryen përmes gjuhës programuese PHP, si dhe Laravel e CodeIgniter.

Sipas studentit Peja, bashkëpunimi dhe përfshirja e anës praktike dhe asaj teorike gjatë studimeve, e ka përgatitur atë plotësisht për tregun e punës.

“Puna dhe përkushtimi i duhur, si dhe shfrytëzimi i praktikave të ndryshme që ofron UBT, përmes laboratorëve që i posedon, ka ndikuar që gjithçka e mësuar në teori, të zbatohet edhe në praktikë, gjë që ka dhënë rezultate pozitive edhe përmes punësimit tonë”, vlerësoi ai.

Peja tha se UBT është mundur vazhdimisht të krijojë kushte më të mira për studentët, që studiojnë në këtë institucion, teksa kujton momentet kur ata vazhduan studimet në Kampusin Inovativ të UBT-së, në Lipjan.

“Për mua si student, momenti më i mirë gjatë studimeve ishte kur filluam të dëgjojmë ligjëratat në objektin e ri të UBT-së, i cili ishte i pajisur me laboratorë të sofistikuar të teknologjisë informative”, theksoi ai, teksa shtoi se është i lumtur që po vazhdon studimet e nivelit master në UBT.



Bashkëpunimi dhe përfshirja e anës praktike dhe asaj teorike gjatë studimeve na ka përgatitur plotësisht për tregun e punës: Granit Peja

Ismail Murati

Përfitime të mëdha nga ligjëratat me profesorët ndërkombëtarë

Ismail Murati është student që ka përfunduar me rezultate të shkëlqyeshme studimet në Fakultetin për Shkenca Kompjuterike dhe Inxhinieri në UBT, ndërsa tani ai konsideron se është i gatshëm e profesional, për në tregun e punës.

Përveç drejtimit që thotë t'i këtë pëlqyer gjithmonë, ai tregon për përvojat dhe mundësitë që i janë ofruar, andaj, kjo e ka bërë që të regjistrohet pikërisht në UBT.

“Rezultat më të mira i kam treguar në temën e masterit, ku me ndihmën e profesorëve dhe asistentëve kemi arritur të bëjmë një studim të IPv4&IPv6 në multimedia në kohë reale dhe me kualitet të shërbimeve”, ka thënë ai.

“Kemi përfituar shumë nga ligjëratat në UBT, aktualisht kemi shumë njohuri edhe për programet në shkenca kompjuterike, e në këtë drejtim kjo është arritur përmes profesorëve ndërkombëtarë që UBT-ja, i ka sjellur në Kosovë”, ka theksuar ai.



“Rezultat më të mira i kam treguar në temën e masterit, ku kemi arritur të bëjmë një studim të IPv4&IPv6 në multimedial”:

Ismail Murati

Jonida Xhema

Më e mira e gjeneratës, e angazhuar në UBT

“Një prej ngjarjeve më të rëndësishme për mua, ishte fjalimi në Ceremoninë e Diplomimit. Ky moment kishte rëndësi për mua pasi që, duke qenë studentja më e dalluar e gjeneratës, isha zgjedhur të mbaja fjalimin para kolegëve, profesorëve dhe familjarëve”.

Jonida Xhema, si pjesë e intershipit të UBT-së nga fakulteti i MBE-së, në një intervistë dhënë për revistën Alumni, ka folur për vitet e studimit në UBT, për mundësitë, përvojat dhe rezultatet e arritura gjatë kësaj kohe.

Ndër tjerash, ajo ka treguar për ndjenjën e të qenit studentja më e dalluar e gjeneratës së saj, ku në Ceremoninë e Diplomimit kishte mbajtur edhe fjalim falënderues.

Alumni: Si keni vendosur të studioni në UBT?

Xhema: Vendimi për të studiuar në UBT nuk ishte i vështirë për mua, pasi që kam njohur disa persona që ishin duke studiuar në UBT dhe prej tyre kisha kuptuar mundësitë e mëdha që kjo e fundit kishte për studentët e saj, duke përfshirë kualitetin e programeve të studimit, intershipet, udhëtimet studimore, ligjëratat e ndryshme tematike, si dhe studimet jashtë vendit.

Alumni: A mund të ndani me ne ndonjë ngjarje të rëndësishme nga periudha e studimeve?

Xhema: Bashkëpunimi me kolegët në projekte, prezantime, si dhe debate të ndryshme kanë ndikuar që koha gjatë studimeve në UBT të jetë shumë e rëndësishme.

Vlen të theksohet se një prej ngjarjeve më të rëndësishme për mua, ishte fjalimi në Ceremoninë e Diplomimit. Ky moment kishte rëndësi për mua pasi që, duke qenë studentja më e dalluar e gjeneratës, isha zgjedhur të mbaja fjalimin para kolegëve, profesorëve dhe familjarëve. Ishte një ditë shumë e veçantë, ku kisha rastin të falënderoja UBT-në për të gjitha mundësitë që më kishte ofruar mua dhe kolegëve gjatë viteve të studimit, për përgatitjen teknike dhe ndërpersonale, për atë që na priste pas studimeve, si dhe për faktin që ishte bërë si një shtëpi e dytë për ne.

Alumni: Sa keni përfutuar nga programet e studimit në UBT?

Xhema: Programet e studimit në UBT më kanë ndihmuar në dy aspekte. Së pari, ana teknike të cilën UBT-ja e ka ofruar, materialet, si dhe kualiteti i lartë i programit të studimeve, kanë ndikuar që të jem më se e përgatitur për tregun e punës. Së dyti, interaktiviteti në mes profesorëve dhe studentëve, projektet dhe seminarët e ndryshme si dhe prezantimet, kanë ndikuar në përvetësimin e aftësive ndërpersonale, si dhe në zhvillimin e aftësive komunikuese.

Alumni: A keni përfutuar nga mundësitë që ofron UBT për udhëtime studimore, studime jashtë vendit përmes UBT-së, intership apo forma të tjera të angazhimit?

Xhema: Nga mundësitë që ofron UBT-ja për udhëtimet studimore, studimet jashtë vendi apo format tjera të angazhimit, kam pasur mundësinë të jem pjesë e një prej forumeve më të rëndësishme evropiane, Forumi Evropian në Alpbach. Kjo ishte një prej ngjarjeve më të rëndësishme gjatë studimeve të vitit të dytë, ku duke pasur një notë mesatare të lartë, isha zgjedhur nga UBT-ja që të marrë pjesë në Forumin Evropian në Alpbach (EFA). Bursa të cilën kisha fituar nga UBT-ja më mundësoi që të jem pjesë e këtij forumi të shkencës, politikës, biznesit dhe kulturës, i cili është themeluar më 1945. Ky Forum Evropian kishte rëndësi për mua pasi që kam krijuar lidhje ndërkombëtare me persona nga vende të ndryshme të Evropës. Tema të ndryshme, ligjëratat nga njerëz të suksesshëm të Austrisë,



“Ligjëratat tematike të mbajtura nga persona të rëndësishëm në Kosovë dhe jashtë saj ndikuan në zgjerimin e njohurive të mia, si dhe në shfrytëzimin e këtyre njohurive, për të pasur rezultate më të mira gjatë studimeve”: Jonida Xhema

debate të gjata me persona nga vende të ndryshme të Evropës, vizita në disa prej vendeve më të bukura të Alpbach-ut si dhe njohuritë që fitova gjatë këtij forumi, ishin gjërat që e bënë këtë, njërin prej përvojave më të mira gjatë tri viteve të studimeve. E gjithë kjo eksperiencë që fitova nga ky Forum Evropian, ishte falë UBT-së.

Alumni: Ju keni treguar rezultate shumë të mira gjatë studimeve. Si e keni arritur këtë?

Xhema: Rezultatet që kisha gjatë tri viteve të studimeve ishin falë punës së madhe, interesimit që kam shfaqur, si dhe mundësive që UBT-ja ka ofruar.

Kam shfaqur interesim për aktivitetet e ndryshme që UBT-ja ka ofruar, ligjëratat e ndryshme tematike, si dhe kam marrë pjesë në projekte që nuk ishin vetëm pjesë e lëndëve përkatëse. Rezultatet e mira, poashtu, ishin për shkak të programit që UBT-ja ofron për studentë duke pasur qasje në seminare, projekte, detyra të ndryshme dhe prezantime. Ligjëratat tematike të mbajtura nga persona të rëndësishëm në Kosovë dhe jashtë saj ndikuan në zgjerimin e njohurive të mia, si dhe në shfrytëzimin e këtyre njohurive, për të pasur rezultate më të mira gjatë studimeve.

Nuk duhet harruar se puna e pandalshme, si gjatë ligjëratave, ashtu edhe jashtë tyre, ka ndikuar në rezultatet pozitive që kisha gjatë studimeve të nivelit bachelor.

Alumni: A jeni duke punuar pas studimeve dhe ku?

Xhema: Pas studimeve kam filluar ‘internship-in’ (praktikën) në UBT, e orientuar kryesisht në Fakultetin për Menaxhment, Biznes dhe Ekonomi.

Si praktikante, ndihmoj në disa aktivitete që lidhen me koordinimin e Fakultetit MBE, si dhe me regjistrimin dhe analizën e vijueshmërisë së studentëve të këtij fakulteti në ligjëratat.

Alumni: A jeni duke vazhduar studimet?

Xhema: Pas përfundimit të studimeve të nivelit bachelor, kam vazhduar studimet master në UBT. Jam në drejtimin Menaxhment, Biznes dhe Ekonomi, ku më vonë jam e interesuar për Marketing dhe Shitje. Vendimi për të vazhduar studimet e nivelit master në UBT, ishte për shkak të kualitetit të lartë të programeve të studimit që UBT-ja ofron për studentët e saj, studimeve jashtë vendit, udhëtimeve studimore, si dhe angazhimeve tjera që kanë rëndësi në jetën studentore.

Alba Merovci

Studentja e UBT-së në Televizionin Publik të Kosovës

Studentja e Fakultetit Media dhe Komunikim në UBT, Alba Merovci, me përfundimin e vitit të tretë të studimeve është punësuar në Radio Televizionin e Kosovës, i vetmi transmetues publik në vend.

Merovci ka theksuar se falë UBT-së për përgatitjet profesionale, studentët e këtij drejtimi janë sistemuar dhe janë të gatshëm për tregun e punës.

“Pas mbarimit të ligjëratave në ‘Media dhe Komunikim’, unë u angazhova dhe u bëra pjesë e Radio Televizionit të Kosovës (RTK). Ëndërr e secilit për të punuar në një medium prestigjioz, i cili përveç shikueshmërisë gëzon edhe besueshmërinë e publikut”, ka thënë ajo.

Ndërkaq, Merovci ka shprehur falënderime të veçantë për gjithë stafin e UBT-së, posaçërisht profesorëve me të cilët kanë ndarë tre vjet së bashku, duke shkëmbyer diturinë dhe eksperiencat e tyre me përkushtim maksimal.

Sikurse në drejtime të tjera ashtu edhe në drejtimin e gazetarisë, UBT vazhdon të sistemojë në treg gazetarë të rinj, entuziastë dhe të suksesshëm për punën që e bëjnë.



Ledri Mahmuti

I diplomuari në UBT, i punësuar në kompaninë amerikane “Architects Rule”



Ish-studenti i Arkitekturës në UBT, Ledri Mahmuti është duke punuar në kompaninë amerikane “Architects Rule”, me seli në New York, në të cilën ai është i angazhuar si arkitekt i ri, duke u inkuadruar në projekte të shumta ndërtimi.

Duke treguar për planet e së ardhmes, Mahmuti tha se koha e kaluar në SHBA, ka qenë një përvojë e mrekullueshme për të.

“Jam shumë i lumtur që më është dhënë mundësia të vazhdoj punën në New York, por pas marrjes së përvojës së nevojshme dhe përfundimit të studimeve master, planifikoj të kthehem në vendlindje, për të shfrytëzuar dhe për të transmetuar përvojën dhe njohuritë tek të tjerët”, thotë ai.

Tutje, Mahmuti vlerësoi se UBT ka merita të mëdha për suksesin e arritur. “Programi bachelor i Arkitekturës në UBT, ka qenë i përbërë nga një staf shumë profesional në punën e tyre, ku prej tyre kam mësuar për bazat e dizajnit arkitektonik, jam përgatitur për punë, si dhe për avancim në karrierë”.

Para se të shkonte në Amerikë, Mahmuti ka qenë i punësuar në firmën “Learch3D”, në Prishtinë, vend që sipas tij, i ka dhënë mundësinë e parë për të zbatuar në praktikë, njohuritë teorike të fituara në UBT.

Leoranda Arapi

UBT më ka ndihmuar të rritem profesionalisht

Ish-studentja e UBT-së, në Fakultetin e MBE-së, Leoranda Arapi është duke punuar në hotelin “Emerald”, në pozitën e menaxheres së Receptonit dhe Rezervimeve.

Arapi thotë se sukseset e saj janë rezultat i angazhimit, punës grupore, si dhe përkushtimit i profesorëve dhe stafit të UBT-së ndaj studentëve.

“Rezultatet arrihen gjithmonë kur ka përkushtim për ndjekur çdo ligjëratë dhe për të mësuar prej tyre, si dhe kur në vazhdimësi profesorët të përkrahin në rrugën drejt ngritjes profesionale”, vlerësoi ajo, për të shtuar se, ndihmesë e madhe për të ka qenë edhe përvoja e marrë paraprakisht në vendin e saj të punës.

Studentja Arapi tha se synon që të fillojë me studimet e nivelit master në vitin e ardhshëm.



Marigona Çeta

UBT aftëson studentët për tregun e punës

Studentja e UBT-së në Shkenca kompjuterike dhe Inxhinieri, Marigona Çeta, pas përfundimit të studimeve themelore, është aftësuar plotësisht për tregun e punës.

Ajo punon në kompaninë për zhvillimin e softuerëve, "AdaptivIT Engineering", në cilësinë e zhvillueses së aplikacioneve të ndryshme, në varësi të kërkesave të tregut, si dhe jep kontribut në aspektin menaxherial.

Çeta thotë se sukseset e arritura janë rezultat i bashkëpunimit të ndërsjellë midis profesorëve e studentëve, shembujve praktikë, si dhe literaturës adekuate të shfrytëzuar gjatë studimeve.

"Motivi më i madh për të punuar gjatë këtyre viteve kanë qenë dhe mbeten profesorët e përgatitur e bashkëpunues, atmosfera dhe vullneti për punë, por mbi të gjitha përpjekjet e mia për të arritur majat e sukseseve në karrierë", tha ajo, duke përmendur kujtimet dhe përvojat e marra gjatë studimeve në UBT.

"Në mesin e shumë kujtimeve të bukura, ceremonia e diplomimit mbetet dita më e rëndësishme dhe më e veçantë, e cila do të jetë gjithmonë në kujtesën time".

Aktualisht, Çeta është duke i ndjekur studimet e nivelit master në UBT, në drejtimin e Inxhinierisë së sistemeve softuerike.



Pas studimeve, u punësua në kompaninë për zhvillimin e softuerëve, "AdaptivIT Engineering": Marigona Çeta

Studentja e UBT-së, pjesë e "Dukagjini Invest"

Njomza Domi, pjesë e projekteve madhore arkitektonike



"UBT ofron mundësi për të prekur më afër realitetin e tregut të punës": Njomza Domi

Studentja e Arkitekturës në UBT, Njomza Domi pas përfundimit të studimeve në nivelin bachelor, është sistemuar menjëherë në tregun e punës.

Aktualisht, ajo është pjesë e "Dukagjini Invest", ku është duke dhënë kontribut në cilësinë e arkitektes, me ç'rast është e përfshirë drejtpërdrejt edhe në punimin e projektit "World Trade Center- Prishtina", që parashikohet të jetë ndër projektet më të larta në rajon.

Domi tha se mundësia për të punuar si arkitekthe e ka rritur atë në aspektin profesional.

"Vendi në të cilin po punoj më ka dhënë hapësirë dhe perspektivë në profesionin e arkitektes, por mbi të gjitha ndihem shumë e lumtur përderisa po punoj me inxhinierët më profesionalë të të gjitha fushave të ndërtimit".

Duke treguar për rrugëtimin e saj drejt krijimit të një karriere të suksesshme, ajo vlerësoi se përkushtimi, serioziteti dhe programi i studimit, janë ndër faktorët kyçë, të cilët kanë ndikuar që ajo të integrohet shpejt në tregun e punës.

"UBT ofron mundësi për të prekur më afër realitetin e tregut të punës. Të studiuarit, si dhe materialet e ofruara nga profesorët, kanë qenë tejet të qëlluara dhe me qasje profesionale, për të orientuar një student të interesuar për rrugën e studimit që duhet ndjekur", përfundoi studentja Domi.

Nora Lika

Nga UBT në Universitetin Teknik të Vjenës

Studimet master kam vendosur t'i vazhdoj në Universitetin Teknik të Vjenës (TU Wien), ku edhe jam pranuar për studime në drejtimin e Arkitekturës, në nivelin master

Ish-studentja e Fakultetit të Arkitekturës dhe Planifikimit Hapësinor në UBT, Nora Lika vlerësoi se suksesi i saj dhe i shumë studentëve të tjerë të UBT-së, tregon për cilësinë e lartë të këtij institucioni.

Sipas saj, vitet e studimeve kanë bërë që ajo të përshtatet në tregun e punës dhe t'i zgjerojë kapacitetet e saj profesionale e personale.

Alumni: Si keni vendosur të studioni në UBT?

Lika: Duke i marrë parasysh kushtet e studimeve për drejtimin për të cilin isha përcaktuar (drejtimi Arkitekturë), kuadrin akademik, cilësinë e studimeve dhe suksesin e studentëve të gjeneratave paraprake në tregun e punës, vendosa pa hezitim që UBT të jetë institucioni ku unë do të studioja.

Alumni: A mund të ndani me ne ndonjë ngjarje të rëndësishme nga periudha e studimeve?

Lika: Krahas vetë ceremonisë së diplomimit dhe ndarjes së mirënjohjeve për studentët e dalluar për suksesin e tyre gjatë studimeve, mund të veçoja po ashtu edhe udhëtimin studimor nëpër Evropë. Për më shumë, përveç punës ndonjëherë të lodhshme, vlen të veqohen sidomos momentet kur kishim detyra grupore.

Alumni: Sa keni përfutur nga programet e studimit në UBT?

Lika: Me të mbaruar studimet, menjëherë gjatë punës praktike, përmbytja e programit të studimeve në UBT më ka ndihmuar jashtëzakonisht shumë, për të kuptuar më mirë projektet praktike në të cilat jam ballafaquar dhe angazhuar. Pastaj, gjatë themelimit të biznesit si dhe në punën time të tanishme, lëndët të cilat i kam mësuar kanë qenë vendimtare për të qenë e sadopak e suksesshme.

Alumni: A keni përfutur nga mundësitë që ofron UBT për udhëtime studimore, studime jashtë vendit përmes UBT-së, internship apo forma të tjera të angazhimit?

Lika: Po, kam qenë pjesë e një udhëtimi studimor në disa shtete të Evropës. Ka qenë me të vërtetë mbresëlënëse të vizitonim qytete dhe vepra arkitektonike, për të cilat kishim mësuar gjatë studimeve, si p.sh. Roma, Vjena, Parisi, etj.

Alumni: Ju keni treguar rezultate shumë të mira gjatë studimeve. Si e keni arritur këtë?

Lika: Rezultatet e arritura janë falë përkushtimit të vazhdueshëm gjatë studimeve, ndihmës nga stafi i UBT, si dhe veçanërisht bashkëpunimit me profesorët e Departamentit të Arkitekturës, që me punën e palodhshme kanë arritur të transmetojnë njohuri praktike tek unë, duke më mundësuar të rris kapacitetet e mia profesionale dhe personale.

Besoj që suksesi im i deritanishëm dhe i shumë studentëve tjerë, tregon shumë për cilësinë e studimeve në UBT.

Alumni: A jeni duke punuar pas studimeve dhe ku?

Lika: Në bashkëpunim po ashtu edhe me disa inxhinierë të tjerë, menjëherë pas studimeve kam hapur biznesin tim. Puna e bërë për klientë të ndryshëm më është vlerësuar jashtëzakonisht mirë. Pas një periudhe të shkurtër kohore,



Arkitektja e suksesshme: Nora Lika

kam pranuar edhe një ofertë pune nga "BK Group", e cila është njëra prej kompanive ndërtimore më të mëdha në qytetin ku unë jetoj (Kaçanik), me mundësi që të mund t'i mbaj që të dyja punët paralelisht.

Alumni: Çfarë pune bëni?

Lika: Kompania "BK Group" merret kryesisht me ndërtime të larta. Pozita ime është arkitekte, ku gjatë orarit të punës përveç që kryej punët e projektimit, herë pas here merrem edhe me mbikëqyrjen e punëve në terren. Jashtë orarit të punës në kompani, arrij të gjej kohë edhe për të punuar në biznesin tim, duke u marrë me projektim, dizajn të enterierit, etj. Që prej kur kam themeluar kompaninë, kam pasur projekte jo edhe të pakta për një periudhë relativisht të shkurtër kohore. Për më shumë, vazhdoj të jem e angazhuar edhe në disa projekte të OJQ-ve të ndryshme në cilësinë e arkitektes.

Alumni: A jeni duke vazhduar studimet?

Lika: Studimet master kam vendosur t'i vazhdoj në Universitetin Teknik të Vjenës (TU Wien), ku edhe jam pranuar për studime në drejtimin e Arkitekturës, në nivelin master. Studimet do t'i vazhdoj duke filluar nga semestri dimëror (tetor 2017), në TU Wien, prandaj aktualisht jam e fokusuar në përmirësimin e njohurive të mia rreth gjuhës gjermane, gjuhë në të cilën do t'i vazhdoj studimet.

Rron Jolla

“UBT pati ndikim të në formimin tim profesional”



Ish-studenti i drejtimit Menaxhment, Biznes dhe Ekonomi në UBT, Rron Jolla është duke punuar në cilësinë e kontabilistit, në ndërmarrjen “Boss”.

Krahas kësaj, pas mbarimit të studimeve bachelor, ai po ashtu është bërë pjesë e organizatës së kontabilistëve “SCAAK”, me ç’rast sipas tij, po merr përvojë dhe njohuri të shumta në këtë fushë.

“Dëshira ime më e madhe është që të vazhdoj të jap kontribut dhe të përfitoj njohuri nga të tjerët, dhe në të njëjtën kohë, edhe ta ndaj përvojën time me bashkëpunëtorët dhe kolegët e mi”, theksoi Jolla, për të shtuar se UBT ka qenë ndikues i madh në formimin e tij profesional.

“Arritja e rezultateve të mira në UBT dhe tash në tregun e punës, padyshim është rezultat i motivimit të lartë, që e kemi marrë nga profesorët dhe ligjëratorët e tyre”. Duke treguar për ngjarjet e rëndësishme të përjetuara gjatë studimeve, ai tha se ka pasur shumë të tilla, pasi që sipas tij, UBT ka qasje të mirë karshi studentëve, si dhe i ka përgatitur për tregun e punës, përmes sjelljes së profesorëve të njohur vendorë e ndërkombëtarë.

Vitesa Mustafa

Punimet seminarike dhe hulumtuese, mundësi për përfitimin e njohuri të reja

Vitesa Mustafa është studente e diplomuar në fakultetin Menaxhment, Biznes dhe Ekonomi drejtimi Marketing dhe shitje, e cila gjithashtu ka vazhduar studimet edhe në nivelin Master në UBT. Ajo vlerësoi se UBT, në krahasim me institucionet e tjera të arsimit të lartë, ofron ambiente dhe infrastrukturë bashkëkohore si dhe planprograme akademike bashkëkohore, andaj kjo ka bërë që ajo të zgjedh këtë institucion për të studiuar.

“Nga programet e studimit kam përfituar shumë njohuri të reja si nga ana teorike dhe ajo praktike. Punimet e ndryshme seminarike, hulumtimet e ndryshme kanë bërë që të përfitohet mjaft shumë njohuri për tema të ndryshme”, tha Mustafa.

Ajo po ashtu ka thënë se UBT, është një institucion i cili ofron mundësi të mira për marrje të njohurive nga një personel akademik si dhe ofron vizita me karakter studimor në universitetet dhe institucionet partnere e diploma që janë të njohura ndërkombëtarisht.

“Gjatë hulumtimeve që kemi bërë na është mundësuar të shkojmë në biznese të ndryshme për të hulumtuar për së afërmi rreth temës së dhënë. Me grupin tim kemi vizuar Ministrinë e Bujqësisë, Pylltarisë dhe Zhvillimit Rural ku kemi marrë më shumë informacione rreth temës për kultivimin e mjedresës”, ka thënë Mustafa e cila shtoi se “rezultatet e mira arrihen me shumë punë dhe përkushtim, natyrisht edhe me ndihmën e profesorëve dhe asistentëve si dhe bashkëpunimit me kolegët pra puna në grup”.



Vlora Gjurka

Studentja e SHKI, pjesë e kompanisë gjermane “Adaptivit Engineering”



Studentja e Fakultetit të Shkencave kompjuterike dhe Inxhinierisë në UBT, Vlora Gjurka është duke punuar në kompaninë e njohur gjermane që vepron në Kosovë “Adaptivit Engineering”, si zhvilluese e softuerit, ndërkaq krahas kësaj, përgjegjësitë e saj përfshijnë edhe menaxhimin, realizimin e punëve ekipore, si dhe asistimin në kryerjen e punëve, për të cilat ajo ka qenë përgjegjëse, duke u mbështetur në aftësitë e saj komunikuese, kreative dhe kërkimore.

Gjurka vlerësoi se fokusimi për realizimin e qëllimeve dhe mbështetja e gjetur tek familja dhe UBT, kanë qenë trasues të rrugës së saj drejt suksesit.

“Kam punuar gjatë realizimit të shumë punëve dhe nuk kam lejuar pas që koha t’i zbehë informacionet e mësuara. Edhe pse ka qenë e vështirë, asnjëherë nuk jam dorëzuar”, tregoi ajo, teksa shtoi se, “nuk do të isha këtu pa mbështetjen e prindërve dhe UBT-së, që më kanë ndihmuar në këtë rrugëtim”.

Gjurka është duke vazhduar studimet e nivelit master në UBT, në drejtimin e Shkencave Kompjuterike dhe Inxhinierisë, në degën e Inxhinierisë së Sistemeve Softuerike.

Edhe një sukses i studentëve tanë

Banka Ekonomike e Kosovës menaxhohet nga një ish-studente e UBT-së

Arritjet e saj në aspektin profesional janë fryt i punës dhe angazhimit të vazhdueshëm, por sipas saj, ndonëse rrugëtimi drejt suksesit nuk ka qenë i lehtë, në UBT e ka gjetur mbështetjen e nevojshme

Ish-studentja e UBT-së në MBE, Merita Gjyshinca-Peja, tashti e 3 vjet është duke e mbajtur postin e kryeshefes ekzekutive në Bankën Ekonomike, teksa njëkohësisht është duke i mbaruar edhe studimet e doktoratës për Menaxhment Strategjik dhe Udhëheqje në IEDC Bled School of Management, në Slloveni.

Arritjet e saj në aspektin profesional janë fryt i punës dhe angazhimit të vazhdueshëm, por sipas saj, ndonëse rrugëtimi drejt suksesit nuk ka qenë i lehtë, në UBT e ka gjetur mbështetjen e nevojshme.

“Balancimi i kohës kushtuar familjes, punës dhe studimeve në një universitet me shumë kërkesa në procesin akademik, siç është UBT, nuk ishte aspak e lehtë, mirëpo falë përkrahjes së familjes, guximit, vendosmërisë dhe fleksibilitetit, të cilin e ofron UBT, unë e kalova këtë kapitull, për të vazhduar me rrugëtimin tim drejt realizimit të ëndrrave të mia”, tha Gjyshinca - Peja.

Duke treguar për sfidat personale drejt përmbushjes së qël-

limeve të saj, ajo i inkurajoi të rinjtë, e në veçanti gjininë femërore, që asnjëherë të mos dorëzohen përballë vështirësive të natyrave të ndryshme, gjatë zhvillimit dhe ngritjes profesionale.

“Për disa arsye objektive, edhe pse shumë i vogël në moshë, djali im ishte pjesëmarrës me mua në disa nga ligjëratat e mbajtura gjatë vitit të kaluar në Slloveni. Me këtë, dëshiroj t’i inkurajoj të gjithë, e në veçanti vajzat e gratë, që ta sfidojnë veten, të jenë të përkushtuara në arritjen e qëllimeve të tyre në shkollim dhe në zhvillim profesional”, theksoi ajo, nën arsyetimin se, “një shoqëri me shumë gra udhëheqëse, është potencial i fuqishëm për një mirëqenie më të begatë shoqërore”.

Ajo vlerësoi se e ardhmja e suksesshme e studentëve të UBT-së, është e sigurt dhe e pakontestueshme, pasi që sipas saj, ata që studiojnë në këtë institucion, i kanë hapur vetes rrugë drejt një të ardhme të shkëlqyer.

Suksesi i studentes së Medias dhe Komunikimi

Fatbardhë Kiqina fiton çmimin prestigjioz në garën e organizuar nga UNICEF Innovations Lab Kosovo

Studentja e vitit të dytë në Media dhe Komunikim në UBT, Fatbardhë Kiqina është shpërblyer me çmimin “Artikulli më i mirë informativ”, në Garën e kritikëve të rinj, organizuar nga UNICEF Innovations Lab Kosovo.

Gara është mbajtur në kuadër të punëtorisë “PONDER”, për ngritjen e nivelit të menduarit kritik, që është organizuar gjatë muajit tetor të vitit të kaluar, me çrast studentja Kiqina u përzgjedh në mesin e 300 të rinjve që kishin aplikuar.

Kiqina tha se çmimi i fituar është shpërblim i punës dhe mbështetjes së madhe që profesorët e gazetarisë e bëjnë me studentët e këtij drejtimi.

“Sukseset vijnë vetëm atëherë kur dashuria e madhe për profesionin bashkohet me mbështetjen dhe angazhimin e profesorëve, të cilët shërbejnë jo vetëm si model dhe shembull në aspektin profesional, por edhe në atë jetësor”, u shpreh ajo.

Dekani i Fakultetit të Medias dhe Komunikimit në UBT, prof. dr Ferid Selimi tha se të konkurros me një ose më tepër punime në një garë me një mori krijuesish dhe të dalësh ndër fituesit e parë të çmimeve të ndara në atë garë është një satisfaksion i krejt asaj që ke bërë ose që bën.

“Kur një studente, përkatësisht Fatbardha, që mbase fillet e para të studimit të gazetarisë dhe të mendimit kritik i ka nisur në UBT, arrin një sukses, s’ka sesi të mos na gëzojë edhe neve që japim mësim ose që i kemi dhënë mësim”, theksoi Selimi, i cili duke folur në cilësinë e ligjëruesit, potencoi se “është një kënaqësi e veçantë kur dëgjon për sukseset e një studenti që e ke njohur, e njeh ose që mbase ke qenë pjesë e ndërtimit dhe mendimit të tij”.

Tutje, Selimi, duke i inkurajuar studentët që të punojnë për të arritur profesionalizmin, tha se suksesi është sa i studentes, po aq edhe i UBT-së, sepse sipas tij, UBT i ka krijuar kushte, që ajo të zhvillojë talentin e saj si në të



shkruar ashtu edhe në të gjykuar.

“UBT ofron kushte dhe kuadro të përgatitura, për studentët, prandaj porosia ime për të dhe për të gjithë studentët është që të mos ndalen së punuari, sepse kriteri i vetëm, i pari e i fundit për t’u bërë i suksesshëm në jetë, është ai i të punuarit”, përfundoi dr.Selimi.

Edhe ligjëruesi në Fakultetin e Medias dhe Komunikimit, Ganimet Klaiqi tha se çmimi që studentja Fatbardhë Kiqina e ka fituar tregon se në UBT, të gjithë ata që duan të arrijnë rezultate, kanë mundësi të mrekullueshme.

“Fatbardha, ndërkaq, si edhe shumë të tjerë, e ka po atë synim, që të bëhet një gazetare e devotshme - paraqitjen reale të informacioneve. Fatbardhës i uroj shumë suksese, ndërsa shpreh dëshirën që raste të këtilla të na përsëriten, aq më tepër kur UBT-ja gradualisht po shndërrohet në akademi të gazetarisë në rajon dhe më gjerë”, tha Klaiqi duke shkruar se “ajo është një shembull për perspektivën e gazetarisë, që duhet ndjekur edhe nga të tjerët”.

UBT e ka të akredituar drejtimin Media dhe Komunikim që katër vite, në nivelin bachelor dhe master.

Studentët përfitojnë nga bashkëpunimi me kompanitë kosovare

Bashkëpunimi UBT - “Nartel” përforcon punën praktike të studentëve të UBT-së

Studentët e Fakultetit të Arkitekturës në UBT, Atdhe Rexhaj, Naile Fejzullahu dhe Arlinda Dragusha, janë pranuar në punë praktike në kompaninë ndërtimore “Nartel”, në Prishtinë



Gjithnjë e më shumë po shtohet numri i studentëve të UBT-së që po angazhohen në internship ose në punë praktike në kompani të ndryshme. Kjo, falë bashkëpunimit të mirë që institucioni ka me organizata dhe kompani lokale e ndërkombëtare.

Së fundmi, studentët e Fakultetit të Arkitekturës në UBT, Atdhe Rexhaj, Naile Fejzullahu dhe Arlinda Dragusha, janë pranuar në punë praktike në kompaninë ndërtimore

“Nartel”, në Prishtinë.

Në këtë kompani, ata do të merren me veprimtarinë e ndërtimitarisë ose më saktë do të mbikëqyrin punët që nga fillimi e deri tek finalizimi i tyre.

Studenti Atdhe Rexhaj ka thënë se është mundësi e mirë për ta që të jenë pjesë e një kompanie të tillë.

“Fakulteti i Arkitekturës në UBT po aplikon standardeve më të larta, sidomos në projektim, planifikim dhe menaxhim të projekteve. Ne po aftësohemi për të punuar dhe po dalim suksesshëm në ekonominë e tregut, në sektorin publik e privat”, ka theksuar Rexhaj.

Sipas tij, UBT mbetet të jetë një Institucion inovativ i arsimit të lartë në Kosovë dhe në rajon dhe se po ofron programe studimi sipas standardeve cilësore ndërkombëtare.

“Në kuadër të kësaj praktike, ne do të kemi mundësinë të shohim e praktikojmë punët të cilat do të zhvillohen brenda kësaj kompanie. Andaj, kjo është mundësi e mirë që përmes teorisë dhe tashmë praktikës, studentët të aftësohen dhe të kenë përparësi në tregun e punës”, ka thënë Rexhaj, sipas të cilit këso mundësi ofron vetëm UBT-ja.

UBT është institucion i arsimit të lartë në Kosovë, i përkushtuar në zhvillimin e programeve akademike, të kombinuara me hulumtime shkencore, në harmoni me standardet ndërkombëtare.

Bashkëpunimi me institucionet shtetërore

Studentët e SHKI-së, praktikantë në MAPL

Studentët Blend Reçica dhe Enis Krapi kanë filluar intership në Ministrinë e Administrimit të Pushtetit Lokal (MAPL), si praktikantë të IT-së

Studentët e Fakultetit të Shkencave kompjuterike dhe Inxhinierisë në UBT, Blend Reçica dhe Enis Krapi kanë filluar intership në Ministrinë e Administrimit të Pushtetit Lokal (MAPL), si praktikantë të IT-së, ku ndër tjerash merren me zgjidhjen e të gjitha problemeve të kësaj fushe.

Kjo mundësi e ofruar për studentët është rezultat i bashkëpunimit ndërmjet UBT-së dhe kësaj ministrie. Reçica tha se praktika të cilën po e bëjnë është një mundësi për zbatimin praktik të njohurive teorike, të fituara gjatë studimeve në UBT.

“Puna në ministri është përvojë e mrekullueshme, sepse gjithçka që e kemi mësuar teorikisht, tash po e bëjmë në mënyrë praktike”, vlerësoi ai, i bindur se puna që po e bëjnë në këtë institucion, do t'i avancojë ata në aspektin profesional.

Duke folur për mënyrën e aplikimit, studenti Krapi tregoi se informacionet e para për këtë mundësi i kanë marrë nga Qendra e Karrierës së UBT-së.

“Informacionin e parë e kemi marrë përmes email-it, të dërguar nga Qendra e Karrierës, teksa disa ditë më vonë, na kanë informuar se jemi përzgjedhur”, tha ai, për të shtuar se “një përvojë e tillë na njofton me punën që bëhet nëpër institucione dhe në këtë mënyrë po përgatitemi që të mos i



frikësohemi tregut të punës dhe konkurrencës”.

Fakulteti i Shkencave Kompjuterike dhe Inxhinierisë në UBT ka mbi 1500 studentë të regjistruar, teksa çdo vit tërheq qindra të rinj, të pasionuar pas shkencës dhe inovacionit, duke u bërë kështu shkolla më e madhe e teknologjisë informative në rajon.

Atdhe Buja, alumni i UBT-së, drejtues i UBT-CERT

UBT lider në fushën e sigurisë kibernetike

Suksesi i fundit i studentëve të UBT-së, vendi i parë në garën ndërkombëtare të zhvilluar në Çeki, me ftesë nga programi "TAIEX" i BE-së

Alumni: Keni realizuar shumë projekte, falë të cilave edhe jeni shpërblyer edhe me çmime ndërkombëtare. Aktiviteti i fundit ishte në Çeki, prej ku u kthyet me një çmim të rëndësishëm. Çka do të thotë kjo për ju?

Buja: Aktiviteti i fundit në të cilin morëm pjesë ishte falë një ftese që na u bë nga programi "TAIEX", i BE-së. Ata ishin financuesit kryesorë të projektit, ndërkaq ishim të ftuar edhe nga Agjencia Kombëtare për Siguri e Çekisë (NSA), me ç'rast morëm pjesë si ekip nga UBT-CERT.

Në këtë garë morën pjesë shtete nga tërë rajoni, duke përfshirë Kosovën, Shqipërinë, Maqedoninë, Serbinë, Malin e Zi, Bosnjë e Hercegovinën etj.

Alumni: Cili ishte rezultati që e arritët në këtë garë?

Buja: Rezultatet e kësaj gare na kanë renditur në krye të kësaj liste, kurse pas nesh ka qenë Shqipëria, Maqedonia dhe të tjerat me radhë.

Alumni: Sipas mendimit tuaj, çka e bëri diferencën?

Buja: Aty ka qenë një tabelë, e cila i ka prezantuar rezultatet e pikëve në mënyrë të vazhdueshme aty për aty. Ne kemi qenë ekipet e veshura në të kaltër, kurse ekipi i kuq ka qenë ai sulmues, për të cilën nuk kemi qenë në dijeni se kush janë ose çka bëjnë. Në një skenar fiktiv, është imagjinuar një sistem hekurudhor, ku treni do të mbahet në lëvizje dhe të mos devijojë nga binarët. Qëllimi i ekipit të kuq ishte që ta largonte këtë tren nga binarët.

Alumni: Sa ka zgjatur gara?

Buja: Gara ka zgjatur rreth 6 orë dhe përgjatë këtyre orëve ka pasur sulme, por edhe mbrojtje të vazhdueshme nga ana jonë dhe kështu, në fund të garës, rezultati ka qenë shumë i mirë. Edhe pse nga organizatorët nuk është shprehur dëshira për të identifikuar ekipe fituese, megjithatë më së shumti jemi vlerësuar për aftësitë teknike, bashkëpunuese dhe komunikuese.

Alumni: A ishte e njohur për ju teknika e lojërave të tilla?

Buja: Shumica e teknikave të përdorura nuk ishin të reja dhe ne kishim njohuri paraprake për to.

Një pjesë e rëndësishme në këtë garë ishte edhe marrëdhënia me publikun dhe mediat, të cilën ne nuk e kemi provuar apo aplikuar më parë, ku ne kishim përgjegjësi për njoftimin e publikut, për raportimin për radio dhe televizione të ndryshme dhe e tërë kjo ishte vetëm simulim.

Alumni: Cila ka qenë sfida më e madhe për ju gjatë garës?

Buja: Vështirësitë më të mëdha na janë paraqitur derisa e kemi kuptuar mënyrën e funksionimit dhe të shfrytëzimit të infrastrukturës, teksa ekipi i kuq kanë qenë të njoftuar për gjithçka që kishte të bënte me infrastrukturën. Por, për një kohë shumë të shkurtër kemi arritur ta marrim vesh tërë infrastrukturën, e cila ka qenë e përbërë nga makinat virtuale, sistemet e ndryshme operative, ueb aplikacionet, email-at etj., pra ka funksionuar si një organizatë e madhe.

Alumni: Çka mendoni që ju bëri fitues?

Buja: Koha e përgjigjeve është një parametër shumë i rëndësishëm që merret parasysh tek sulmet kibernetike. Gjithashu, ne kemi pasur një koordinim tejet të mirë mes vete dhe kemi arritur që të japim përgjigje kundrejt sulmeve brenda një kohe shumë të shkurtër.

Alumni: Pse janë të rëndësishme për UBT-CERT-in aktivitetet e tilla?

Buja: Kjo garë krijon shtigje të reja për bashkëpunim me vendet e rajonit, pasi që ne nuk kemi bashkëpunim me të gjitha shtetet tjera, veçanërisht me Serbinë dhe Bosnjë e Hercegovinën. Pra, kjo mund të shërbejë si një urë lidhëse e komunikimit mes vendeve tona, në këtë fushë që nuk po njeh kufij.

Alumni: Sa po mësoni nga këto aktivitete?

Buja: Po mësojmë skenarë të rinj po pajisemi me njohuri të reja teknike dhe besoj shumë që, shumë shpejt këto përvoja do i sjellim edhe në UBT e Kosovë, përmes organizimeve të këtij lloji.

Alumni: Sa do të jetë UBT-CERT aktiv edhe në gara të ardhshme?

Buja: Ne po synojmë që të fillojmë të marrim pjesë edhe nëpër gara për siguri kibernetike në nivel evropian, ku po mendojmë që ta dërgojmë një ekip të talenteve prej vendit tonë, ndërkaq garat e tilla mbahen në fund të këtij viti në ndonjë shtet të Evropës. Para kësaj gare, ne do ta organizojmë një garë në nivel shtetëror dhe prej aty planifikojmë ta nxjerrim ekipin që do ta përfaqësojë Kosovën.

Alumni: Si është zhvilluar UBT-CERT-i me kalimin e kohës?

Buja: Kemi arritur që të rritemi gradualisht, por për këtë vit, planet janë akoma më të mëdha. Ne e kemi krijuar laboratorin e parë të UBT-CERT-it, i cili tashmë është në funksionalitet të plotë, pastaj e kemi edhe projektin e internshipit të studentëve të UBT-së, ku për një periudhë kohore 4-6 mujore, bashkë me studentët do të mbajmë trajnime dhe do të zhvillojmë projekte të shumta, ku në fund ata do të certifikohen.

Alumni: Çka punohet në këtë laborator?

Buja: Ne kemi ndërtuar një infrastrukturë fizike, që përbëhet prej harduerëve, pajisjeve të rrjetit, serverëve, pra i tërë rrjeti është i ndarë fizikisht dhe logjikisht nga pjesa tjetër e UBT-së, në mënyrë që puna e laboratorit të mos ndikojë tek infrastruktura reale, pastaj aty do të bëhen edhe testime të aplikacioneve të ndryshmeve dhe sistemeve. Krahas kësaj, do të zhvillojmë aplikacione të ndryshme për mobile e ueb, për fushën e sigurisë kibernetike, që qytetarëve u nevojiten për ruajtjen e privatësisë e sigurisë, për ruajtjen e të dhënave në telefonat e tyre, si dhe bëhen analiza të ndryshme të softuerëve të dëmshëm etj.

Alumni: A ka diçka të tillë në Kosovë?

Buja: Jo vetëm në Kosovë, por as në rajon nuk ka diçka të tillë *Alumni: Sa keni bashkëpunim me institucionet e ndryshme shtetërore dhe sa po angazhohen ato në fushën e sigurisë kibernetike?*

Buja: Nga disa nga institucionet publike ka pasur një nismë pozitive, me ç'rast kanë krijuar disa CERT ekipe, të cilat nuk janë të konsoliduara aq sa duhet, mirëpo janë në rrugë të mbarë në këtë drejtim. Institucionet publike duhet ta mbrojnë infrastrukturën e tyre kritike financiare, doganore, të sigurisë etj., nga sulmet e mundshme kibernetike.

Ne kemi kontakt me institucionet e sigurisë në Ministrinë e Punëve të Brendshme, me Policinë e Kosovës, me ç'rast u kemi ofruar mundësi bashkëpunimi dhe përkrahje, që kanë të bëjnë me incidentet e ndryshme që lidhen me sigurinë kibernetike. Përveç kësaj, kemi bashkëpunim shumë të mirë edhe me Rregullatorin e komunikimeve elektronike, me kompanitë që ofrojnë internet në Kosovë etj., me ç'rast edhe ato kanë shprehur gatishmëri bashkëpunimi për çdo lloj nevojë që ata kanë, si në aspektin teknik, ashtu edhe në atë organizativ.

Alumni: A keni resurse të mjaftueshme njerëzore dhe teknike për ta mbuluar jo vetëm UBT-në, por edhe për të tjerët?

Buja: Varësisht nga kërkesat që na vijnë për ofrimin e përkrahjes, ne kemi kapacitete njerëzore, kemi studentët që shumë mirë mund ta tregojnë veten dhe aftësitë e tyre. Siguria kibernetike nuk ka nevojë për një numër të madh njerëzish, mjafton vetëm një ekip, i përbërë nga 5-6 persona.

Siguria kibernetike

UBT-CERT për herë të parë në rajon hap Laboratorin e Sigurisë Kibernetike

Gjatë fazës së konfigurimeve është realizuar edhe adaptimi për përdorimin e një pjese të infrastrukturës nga Laboratori i harkimit Evropian, platformë në të cilën zhvillohen shumë gara mes talenteve të fushës së sigurisë kibernetike, por zhvillohen edhe garat evropiane ndërmjet Cert-ve

Për herë të parë në rajon, UBT-Cert ka hapur Laboratorin e Sigurisë Kibernetike, që do të shërbejë si qendër e koordinimit dhe organizimit për Cert-ekipet në Kosovë edhe më gjerë.

Gjatë fazës së konfigurimeve është realizuar edhe adaptimi për përdorimin e një pjese të infrastrukturës nga Laboratori i harkimit Evropian, platformë në të cilën zhvillohen shumë gara mes talenteve të fushës së sigurisë kibernetike, por zhvillohen edhe garat evropiane ndërmjet Cert-ve.

Ndërkohë, sipas menaxherit të UBT-Cert, Atdhe Buja, tashmë është përgatitur edhe plani vjetor i aktiviteteve që do të zhvillohen në këtë laborator. Sipas tij, projekti është realizuar në harmoni të standardeve ndërkombëtare si dhe politikave të organizatës botërore "First".

"Ky planifikim përcakton organizimin e simulimeve të ndryshme testuese në rrjete, aplikacione dhe sisteme, internship për studentët, trajnime dhe takime me talente të rinj, analiza dhe kërkime për softuer të dëmshëm (malwares) dhe kampanja të vetëdijesimit", ka theksuar Buja.

Ai tutje shtoi se zhvillimi dhe implementimi i këtij projekti ka kaluar nëpër faza të ndryshme deri tek funksionalizimi i plotë i saj.

Bazuar në Strategjinë për Siguri Kibernetike të UBT-CERT,



Bazuar në Strategjinë për Siguri Kibernetike të UBT-CERT parashihet zhvillimi dhe krijimi i mundësive për punë praktike të studentëve në fushën e sigurisë kibernetike, etj.

më saktë parashihet zhvillimi dhe krijimi i mundësive për punë praktike të studentëve në fushën e sigurisë kibernetike.

Dekani i Fakultetit të Planifikimit nga Universiteti i në Rapperswil të Zvicrës vizitoi UBT-në

UBT vazhdon të sjellë njohuri ndërkombëtare



Dekani i Fakultetit të Planifikimit Hapësinor nga Universiteti i Shkencave të Aplikuara, në Rapperswil të Zvicrës, Thomas R. Matta vizitoi UBT-në, në cilësinë e profesorit vizitor, ku për studentët e nivelit master, të Fakultetit të Arkitekturës dhe Planifikimit Hapësinor, ligjëroi në kuadër të lëndës "Planifikimi Hapësinor Urban".

Në ligjëratën e parë që pati me gjeneratën e dytë të programit master të këtij drejtimi, ai shpallosi njohuri dhe përvoja të reja nga planifikimi hapësinor i Zvicrës.

Si në shumë fakultete të UBT-së, edhe në Fakultetin e Arkitekturës dhe Planifikimit Hapësinor ofrohet një kombinim dhe balancë në mes të profesorëve lokalë dhe ndërkombëtarë.

Në UBT vazhdojnë të kontribuojnë një mori profesorësh, që vijnë nga universitetet më të suksesshme të Evropës dhe të Amerikës, të cilët e shtojnë kualitetin e këtij institucioni të arsimit të lartë.

UBT prezantohet në Samitin e Arsimit të Lartë "EURIE", në Stamboll

Përfaqësuesit e UBT-së, Lirigzona Morina, Ermal Lubishtani dhe Halil Bashota, morën pjesë në Samitin Ndërkombëtar të Arsimit të Lartë "EURIE", në Stamboll.

Në fokus të punimeve treditore të këtij samiti, është shkëmbimi i përvojave dhe i praktikave të mira, për ndërkombëtarizimin e arsimit të lartë, si dhe për të gjeneruar mundësi të partneritetit stafit akademike studentëve të universiteteve pjesëmarrëse në samit, por edhe për të diskutuar për sfidat e arsimit të lartë.

Në këtë samit po marrin pjesë përfaqësues të shumë universiteteve nga vende të ndryshme të rajonit dhe më gjerë, kurse UBT përmes pjesëmarrjes në samite e konferenca të tilla, po mundohet të sjellë në Kosovë praktikatat më të mira evropiane të arsimit të lartë.

Samiti EURIE po mbahet në kuadër të programit të bashkëpunimit mes universiteteve të vendeve të ndryshme të botës, Erasmus+.

UBT siguron literaturë profesionale për studentët

Librat profesionalë, me autorë të zgjedhur dhe fusha specifike – prioritet i UBT-së

Rektori i UBT-së, prof.dr.Edmond Hajrizi thekson se ky institucion, në pesëmbëdhjetë vitet e punës së tij, ka publikuar mbi 40 tituj të librave, të cilat paraqesin një pasuri shumë të madhe për institucionin, por edhe një mundësi shumë të madhe për studentët e të gjitha niveleve

Gjatë punës së deritanishme, UBT i ka kushtuar një kujdes shumë të madh edhe sigurimit të literaturës adekuate dhe sa më bashkëkohore për studentët. Marrëveshjet me shumë institucione ndërkombëtare u kanë mundësuar studentëve të kenë qasje online në bibliotekat më të njohura, që sigurojnë literaturën përkatëse për të gjitha drejtimet e studimit.

Gjithashtu, ka krijuar bibliotekën më të madhe universitare në vend, me titujt më të fundit, të cilat janë në dispozicion të studentëve dhe profesorëve në të gjitha kampuset e UBT-së.

Ky institucion, njëkohësisht i ka kushtuar kujdes shumë të madh edhe publikimit të librave të profesorëve dhe ekspertëve të angazhuar në këtë institucion.

Rektori i UBT-së, prof.dr.Edmond Hajrizi thekson se ky institucion, në pesëmbëdhjetë vitet e punës së tij, ka publikuar mbi 40 tituj të librave, të cilat paraqesin një pasuri shumë të madhe për institucionin, por edhe një mundësi shumë të madhe për studentët e të gjitha niveleve.

“UBT ka ndjekur parimin e publikimit të librave në fushat në të cilat është vërejtur mungesë e literaturës për studentët. Krejt kjo me qëllimin që studentëve t’u ofrohet literaturë në gjuhën shqipe në fushat e reja dhe në harmoni me planprogramet mësimore moderne që ofron UBT”, thotë rektori Hajrizi.










Sipas tij, kujdes i është kushtuar literaturës nga shkencat kompjuterike, arkitektura, prokurimi e shkencat sociale, ku një pjesë e librave janë të parat të kësaj fushe në gjuhën shqipe. Para publikimit të librave të rinj, organet drejtuese të UBT-së vlerësojnë cilat janë lëndët në të cilat ka nevojë për literaturë shtesë dhe pastaj merret vendimi për publikimin e librave, botimi i të cilave mbështetet materialisht nga UBT.

Gjatë vitit 2016, UBT publikoi disa tituj, kryesisht libra që mbulojnë fusha specifike dhe që shënojnë të arritura dhe paraqesin prurje të veçanta, me interes jo vetëm për studentët, por edhe për lexuesit e tjerë në përgjithësi, që paraqesin edhe të arritura në fushën e shkencës.

UBT do të vazhdojë me publikimin e librave të rinj edhe gjatë vitit 2017. “Kemi hartuar planin e publikimit të librave gjatë vitit në të cilin sapo kemi hyrë. Do të përkrahim me prioritet librat autorialë të profesorëve dhe ekspertëve të angazhuar në UBT, gjithnjë duke u kujdesur që këta libra të sjellin risi dhe të jenë nga fusha specifike”, tha dr.Hajrizi.

“UBT e ka mision të vetin të sigurojë literaturë për studentët, por edhe të japë kontributin në pasurimin e literaturës shkencore në përgjithësi në vend, duke qenë edhe në këtë fushë prijatë, siç është edhe në të gjitha fushat e tjera”, theksoi rektori Hajrizi.





Profesori i arkitekturës në UBT, dr. Binak Beqaj

UBT jep kontribut për përmirësimin e çështjeve urbane

“Zgjidhja duhet të vijë me bashkërendimin e shumë faktorëve, duke i përfshirë qytetarët, institucionet, bizneset, akademinë, shoqërinë civile etj.”, ka thënë profesori Beqaj

Gjendja urbanistike në Prishtinë është reflektim i gjendjes së përgjithshme urbanistike në tërë Kosovën. Këtë konstatim e ka nxjerrë profesori i arkitekturës në UBT, dr. Binak Beqaj, sipas të cilit kur të kritikohet Prishtina duhet të merren parasysh krejt qytetet e Kosovës. Sipas tij, gjendja nuk është e mirë, por nuk është pa zgjidhje.

“Zgjidhja duhet të vijë me bashkërendimin e shumë faktorëve, duke i përfshirë qytetarët, institucionet, bizneset, akademinë, shoqërinë civile etj.”, ka thënë profesori Beqaj.

Beqaj ka botuar edhe libra në këtë fushë, duke sensibilizuar publikun e gjerë për problemet e përgjithshme urbanistike që ka Kosova.

Ai thekson se me planifikimin e mirë urban rregullohet dhe cilësia e jetesës së qytetarëve.

Gjithnjë sipas tij, Kosova ka mungesë të ekspertëve në këtë segment, si dhe ka edhe probleme të tjera që e dëmtojnë konsiderueshëm urbanizmin.

“Meqenëse Kosova ende nuk është konsoliduar si një shoqëri e zhvilluar, sfidat që e përballin atë janë korrupsioni, dezorganizimi i tregut dhe shumë elemente të tjera”, ka thënë Beqaj.

Duke folur konkretisht për komunën e Prishtinës, Beqaj ka



thënë se fillimisht duhet të aprovohet Ligji për decentralizimin e Prishtinës, i cili sipas tij zgjidh shumë probleme urbanistike. “Vizioni i planit urbanistik në Kosovë është drejt standardeve evropiane: me zhvillim të qëndrueshëm socio-ekonomik, me infrastrukturë dhe me teknologji moderne, që respekton mjedisin, trashëgiminë natyrore dhe kulturore të territorit të vet etj.”, ka përfunduar profesori Beqaj.

Ministri Ferat Shala mbajti ligjëratë tematike në UBT për “Sfidat e mjedisit në Kosovë”

Qytetarët e Kosovës të jetojnë në një ambient shumë më të pastër

“Mjedi dhe Planifikimi është pjesë e pandashme e shoqërisë sonë, prandaj Ministria e Mjedisit dhe e Planifikimit Hapësinor po i mbulon elementet e zhvillimit dhe të ekonomisë, të politikëbërjes institucionale dhe shtetërore”, tha ministri Shala



“Sfidat e mjedisit në Kosovë” ishte tema e ligjëratës tematike që e mbajti para studentëve dhe profesorëve të UBT-së, ministri i Ministrisë së Mjedisit dhe Planifikimit Hapësinor në Republikës së Kosovës, Ferat Shala.

Në ligjëratë, ministri Shala trajtoi sfidat dhe vendimmarrjet në Ministrinë e Mjedisit dhe të Planifikimit Hapësinor, si dhe ku është dhe kah po shkon Kosova në këtë sektor. Mes të tjerash, ai theksoi se kjo ministri i ka caktuar katër prioritetet bazike për mirëqenien dhe funksionimin adekuat të tyre: ajri, uji, mbetjet urbane dhe planifikimi hapësinor, ku për secilën u diskutua në mënyrë të veçantë.

“Jemi duke punuar që qytetarët e Kosovës të jetojnë në një ambient shumë më të pastër, të kenë ujëra të rrjedhës së pastër dhe të pijshëm, me vendbanime të ndërtruara në mënyrë le-

gale, duke pasur parasysh gjithmonë uljen e kostos”, tha ministri Shala.

Sipas tij, Mjedi dhe Planifikimi është pjesë e pandashme e shoqërisë sonë, prandaj Ministria e Mjedisit dhe e Planifikimit Hapësinor po i mbulon elementet e zhvillimit dhe të ekonomisë, të politikëbërjes institucionale dhe shtetërore.

Në fund në ligjëratës u zhvillua një debat i gjerë rreth një varg çështjesh me interes për planifikimin hapësinor dhe mbrojtjen e mjedisit në Kosovë.

Para ligjëratës, ministri Ferat Shala u prit në një takim nga rektori i UBT-së Prof. dr. Edmond Hajrizi, me të cilin nënshkroi një marrëveshje bashkëpunimi midis dy institucioneve.

“Ministria e Mjedisit dhe e Planifikimit Hapësinor është një ministri që ngërthen në vete funksione, fusha me interes shumë të mëdha për UBT-në, duke marrë parasysh se ne merremi kryesisht me fushat që përfshihen në këtë lëmi dhe ky bashkëpunim është vërtet i rëndësishëm për ne. Ne kemi edhe kënaqësi të veçantë që Ministri me këtë qasje i ka dhënë mundësi të madhe studentëve në ofrimin apo studimin e të dhënave për të rezultuar analizë dhe studime që janë në interes të përgjithshëm për Kosovën”, theksoi rektori Hajrizi me këtë rast.

Interaktiviteti dhe bashkëpunimi mes UBT-së dhe Ministrisë së Mjedisit dhe Planifikimit Hapësinor do të na shtyjë dhe do të na përkrahë që të shkojmë më tutje, ku do t'i përgjigjemi sfidave dhe pyetjeve që janë ende pa përgjigje në aspektin infrastrukturor dhe në aspektin e përgjithshëm që lidhet me këtë Ministri, tha rektori Hajrizi.



EUROSIM
Federation of European Simulation Societies



COMOD 2014
St. Petersburg, Russia, 2-4 July 2014

UNIVERSITY of OULU
OULUN YLIOPISTO



INTERNATIONAL FEDERATION
OF AUTOMATIC CONTROL



AUTOMOTIVE
PARTNERS
ASSOCIATION

IPMA >> international
project
management
association



south
east
european
centre for
entrepreneurial
learning



EFQM
Leading Excellence



FIRA
Federation of International
Robot-soccer Association

UIN
University Industry
Innovation Network

PLAN
procurement law academic network

AESOP
ASSOCIATION OF EUROPEAN
SCHOOLS OF PLANNING

Member of
IASP International Association of Science Parks
and Areas of Innovation

Top Education for Top Students



- 16 vite Lider i Arsimit të Lartë - I vetmi i certifikuar për ekselencë (EFQM)
- I certifikuar sipas standardit ISO 9001:2008 për cilësi
- Përfuttes për herë të katërt nga Kosova i Programit Evropian ERASMUS MUNDUS
- Përfuttes i Programit për bursa AEP, Albach
- Përfaqëson Kosovën në Organizata Evropiane dhe Botërore
- Kampioni Evropian në Robotikë
- Kampusi i parë për Shkencë dhe Inovacion

Zgjedh më të mirin ...

... që të bëhesh më i miri!

Come to UBT and Go International...

Kolegji UBT - Banesë private i Arsimit të Lartë i akredituar nga Agjencia e Akreditimit e Kosovës dhe licencuar nga MASHT.

PROGRAMET E AKREDITUARA

- MENAXHIMENT, BIZNES DHE EKONOMI (Baçelor dhe Master)

- Financa, Banka dhe Sigurime
- Kontabilitet, Auditim dhe Tëtime
- Manaxhiment, Ndërmarrësi dhe Inovacion
- Marketing dhe Shitje
- Biznes ndërkombëtar
- Logjistika dhe Menaxhimi i Prokurimit

- SHKENCA KOMPUTERIKE DHE INXHINIERI (Baçelor dhe Master)

- Inxhinieri e Sistemeve Softuerike
- Baza e të Dënave dhe Sistemet e Informacionit
- Grafika Komputerike dhe Multimedia
- Web Programim
- Rrjetet dhe Telekomunikacion
- Robotikë dhe Sistemet Inteligjente
- Inxhinieri Biomjekësore
- Siguria dhe sigurimi i Informacionit
- Multimedia dhe Vizualizim

- MEKATRONIKË DHE MENAXHIMENT (Baçelor dhe Master - I vetmi i akredituar në vend)

- Menaxhimi i Mekatronikës
- Automatizimi Industrial dhe Kontrolli i Procesit
- Dizajn i Produkteve Industriale
- Robotikë dhe Sisteme Inteligjente
- Inxhinieri Biomjekësore
- Inxhinieri e Telekomunikimit
- Inxhinieri Mekanike
- Inxhinieri e Aeronautikës

- SISTEMET E INFORMACIONIT DHE MENAXHEMENT (Baçelor dhe Master)

- Sistemet e Informacionit të Biznesit
- Sistemet e Informacionit - GIS (Geo Information Systems)
- Sistemet e Informacionit të Bibliotekave dhe të Arkivave
- Statistikat, Procesimi dhe Simulimi i të Dënave
- Siguria e Informacionit dhe Privatësia
- Komercit Elektronik (E-Komercit)

- ARKITEKTURË DHE PLANIFIKIM HAPËSINOR (Baçelor dhe Master)

(I vetmi privat i akredituar në vend)

- INXHINIERI NDËRTIMORË (NDËRTIMTARI) DHE INFRASTRUKTURË (Baçelor dhe Master)

(I vetmi privat i akredituar në vend)

REGJISTRIMI

Dokumentet e nevojshme për regjistrim:

Diploma, dëftesat e notave, certifikata e pikëve të maturës, certifikata e lindjes, kopja e letërnjoftimit dhe dy fotografi

Gjuha e studimeve: Gjuha Shqipe dhe Gjuha Angleze si dhe mundësia e studimit në gjuhë të tjera

Mënyra e studimit:

UBT organizon ligjëratat të rregullta dhe me korrespondencë, si dhe ofron mundësinë e studimit në distancë.

Për të punësuarit ofrohen ligjëratat pas orarit të punës dhe gjatë fundjavës

Që suksesi juaj të jetë i garantuar, UBT ofron për secilin studentë:

- Orientim profesional, kurse përgatitore, praktika profesionale, vizita studimore dhe certifikime ndërkombëtare
- Nga një kompjuter gjatë studimeve dhe sistem online
- Licenca falas për software
- 100% Internship në kompanitë dhe institucionet me prestigjioz vendore dhe ndërkombëtare
- Libraria me numrin më të madh të titujve dhe qasja online në libraritë më të mëdha elektronike
- Praktika dhe Eksperimente në Laboratorët bashkëkohorë.
- Trajtime: CISCO, Microsoft, AutoCad, ECDL, Projekt, etj.
- Çertifikime për kontablist në bashkëpunim me SCAAK

Financat dhe pagesat:

- Çmimi i studimeve për një vit akademik Baçelor është **1200 €**, për nivelin Master është **1500 €** me mundësi pagese deri në **12 kështe**.
- Për të gjithë **nxënësit e daluar** UBT ofron përkrahje financiare

UBT ofron zbritje deri në 30% edhe për këto kategori:

- Të punësuarit në Doganat e Kosovës
- Pjesëtarët e FSK-së dhe Policisë së Kosovës
- Të punësuarit në Institucionet Publike të Kosovës
- Familjarët e dëshmorëve dhe veteranëve të luftës
- Studentët që vijnë nga e njëjta familje dhe si grup
- Studentët që paguajnë në fillim të vitit akademik

PËR UBT:

“UBT është krijuar si një universitet ndërkombëtar; një universitet modern që i përmbush nevojat e një shoqërie dhe vendi demokratik, që në vazhdimësi është duke zhvilluar kapacitetet ekonomike dhe teknologjike.”

Edmond Hajrizi, Rektori i UBT-së

“Edukimi është shumë i rëndësishëm për zhvillimin e bizneseve , që sot veprojnë ndërkombëtarisht, jo vetëm në hapësirën e Europës, por globalisht. UBT ju ofron mundësinë për të arritur qëllimet-objektivat ndërkombëtare”

“Profesorët e këtij universiteti janë më të mirët , dhe mund të shtojë që studimet tuaja në UBT janë më të mirat për të ardhmen tuaj si dhe të vendit tuaj, por edhe për një të ardhme më të mirë të Europës.”

Dr.Erhard Busek Special Coordinator for the Stability Pact for SEE

Lagjia Kalabria p.n., Prishtinë, Tel:038 541400 Mob:044 541400, Email:info@ubt-uni.net Koha e regjistrimit çdo ditë prej orës 09:00 deri në 17:30

Apliko online: www.ubt-uni.net/apliko ose në qendrat për Informim dhe Regjistrim në Ferizaj, Prizren